

禮
記
章
句

禮記卷七之一

任啓運章句

喪義

孔本檀弓下第四周喪第三十五闕傳三十七三年問二十八今本增喪服四制四十九苒本

合四篇為問喪第十二存舊目也今并取檀弓合之

為喪義第二十五○曰喪義者從冠昏諸篇例也禮

弓文言喪禮之故先之問喪以下言喪服之義通穴

之苒城曰問喪三篇專言三年喪闕傳則兼及期功

總服而麻葛之

變受亦頗詳焉

喪禮哀戚之至也節哀順變也君子念始之者也

始之謂生我者

父母也喪主予哀而聖人制禮必節其哀且順其時而漸

變蓋君子念父母生我之心必望其保身以有為故不敢

以毀滅復盡愛之道也有禘祠之心焉望反諸幽求諸鬼

性也

神之道也北面求諸幽之義也

始卒分禘五祀以求其生復而求諸幽亦此心也

飯用米具弗忍虛也不以食道用美焉爾

死不能食則口虛不忍其虛故

含之然不以食與肉

銘明旌也以死者為不可別已故以

敬之不敢以味藝也

明神明也旌若天子太常大夫士各以其物不命之士乃以緇首尺積未二尺書之愛之

其旗識之

斯錄之矣敬之斯盡其道焉爾人之於親也愛與敬兼之始死則愛多於敬漸遠則

敬多於愛而愛中亦有敬敬中亦有愛如含與奠以愛之而銘與主以敬之然錄之使不忘亦所以為愛用美與盡

道亦所以為敬也

承上文以起下文重主道也殷主綴重焉周主重徹焉未

主則神無所依而設重以依銘旌則銘旌猶主之有題而

重亦有主之道殷人既作主則縣重於廟之楹至高麗廟

遷乃埋之周人既虞即埋之鄭云埋門外道左賈云埋壁

兩楹間何休云埋北牖下又云主天子長二尺諸侯長尺

正方穿中央達四方衛次仲云父主八寸母七寸廣厚三

寸漢帝長八寸前圓後方國尺后長八寸國九寸晉帝長

尺二寸。后尺。荀氏神版長尺。博四寸五分。厚八分。則今之主皆神版耳。其藏之地。衛云西壁。堦中。去地尺六寸。蓋古人席地而坐。高下為宜。陳祥道改為六尺一寸。近於後人之坐。但於法象無取也。公羊傳。虞主用桑。桑喪也。練主用栗。栗立也。古論語。哀公問主於宰我。宰我對以夏。松。殷。柏。周。栗。漢儒據之。劉炫云。主無再作之理。則公羊似不足據。而今論語又云。異則但取木之。美名如俗之栢梓桐楮可也。奠以素器。以生者有哀素

之心也。朝奠日出。夕奠逮日。喪不剝奠也。與祭肉也。與有

薦新如朔奠。唯祭祀之禮。主人自盡焉耳。豈知神之所饗

亦以主人有齊敬之心也。始死奠稱古器。小斂奠以後用素器。心一於哀。不尚飾也。朝奠

於日初出。夕奠於日方入。陰陽之交。庶幾遇之。剝徹而去也。祭肉之徹。以疾為敬。喪則後奠。至始徹前奠。言此豈祭肉也。與孝子之心。如親未食而雷待之也。朔奠。殷奠也。土特牲。魚。腊。三鼎。若天子當太牢。諸侯少牢。如生時。朔日之

禮也。薦新如嘗魚嘗麥。其牲牢籩豆皆如朔奠。禮有加也。祭祀通虞卒哭而言。固不知神之必饗。其齊敬之心自有不能已也。喪主哀祭王敬。哀以素敬以飾。故虞祭不用素器。○吳澄曰：喪奠非不敬其親也。哀心特甚焉耳。虞已。是祭祀之禮非不哀其親也。敬心加隆焉耳。辟踊哀之至也。有算為之節文也。

袒括髮變也。愠哀之變也。去飾去美也。袒括髮去飾之甚也。

也有所袒有所襲。哀之節也。拊心曰辟。有算如三踊為一節。三節乃止哭。天子九諸侯

七之類。袒括髮貌。變於外。愠情變於中心。有甚哀故去飾亦甚。然必有節。恐以死傷心也。拜稽顙哀戚

之至隱也。稽顙隱之甚也。孔子曰：拜而后稽顙。顙乎其順

也。稽顙而后拜。順乎其至也。三年之喪。吾從其至者。顙音懇。

拜以致敬於賓。稽顙以盡哀於已。殷禮先拜以敬賓。故順周禮先稽顙以哀親。故至親喪哀重。故當從周。若期以下

從服可也。○家語子張有父之喪，經也者，實也。衰與其不

當物也。寧無衰，實謂哀痛之心。當物謂哀痛之淺深與衰

實若身有衰麻之服，心無哀戚之誠，不如不服矣。溢曰

斬齊功緦之服，為文不飲酒食肉，內簋為實。鄭謂當物謂

精粗廣狹應法制，愚謂即應法制。而心無哀戚之實，亦何以觀之哉。歡，主人主婦室老為其

病也。君命食之也。主人三者，哀單故既殯，惟食粥。若君饋

士，無君命，文君臨，臣喪以巫祝，桃茢執戈，惡之也。所以異

於生也。喪有死之道焉。先王之所難言也。桃以辟邪，茢以

所惡先王於此亦有所難言，故使巫祝祓除不祥，釋其畏

惡之心，使得致哀於臣也。孔謂此天子當臣未襲時，禮既

襲止，巫去桃茢，諸侯臣未襲，喪之朝也。順死者之孝心也。

使祝代巫執茢，既襲亦去之。

禮記 喪義 卷七之一 三

其哀離其室也故至於祖考之廟而后行殷朝而殯於廟

周朝而遂葬

孝子出必告故將葬必奉柩朝於廟先禱後祖至遠祖畢設祖奠明日設遣奠以死者必

以離室為哀故告祖父以順其孝心也殷尚質死即以鬼

事之故朝而殯於廟周尚文不忍死之故殯於寢將葬乃

朝廟而行也愚謂殷已愆宜從周○孔謂啓曰朝禴明日

朝祖一日一廟教繼公謂朝禴即適祖不別日愚謂大夫

士廟少宜同日天子諸侯廟多別日異君臣也又按古廟

皆在家故奉柩以朝今俗宗祠多並則主人奉復衣銘旌

以幣告孔子曰衛人之祔也離之也日人之祔也合之善夫

亦可也

祔合葬也夫婦同棺衛於兩棺間別加木隔魯無隔也蓋

生貴別故內外之寢殊死則陰陽之氣合無為貴別也○

謂日衛殷墟也離之其殷禮歟弁經葛而葬與神交之道

祭廟設同几則合祔之宜矣

也有敬心焉殷人冔而葬周人弁而葬

冔弁皆象祭冠而以素其身猶衰麻

天子諸侯葬期遠故哀之中有敬心焉若
葬於北方北首
大夫士則葬期近心一於哀不易冠也

三代之達禮也之幽之故也
北方白虎通作邑北○殯猶南首不忍死其親葬乃北首

為自此乃孔子曰之死而致死之不仁而不可為也之死
之於幽也

而致生之不知而不可為也是故竹不成用瓦不成味木

不成斲琴瑟張而不平竽笙備而不和有鐘磬而無篳篥

其曰明器神明之也孔子謂為明器者知喪道矣備物而

不可用也哀哉死者而用生者之器也不殆於用殆乎哉

其曰明器神明之也塗車芻簞自古有之明器之道也孔

子謂為芻蕘者善謂為備者不仁不殆於用人乎哉
荀子作

器不成物薄器不成內家語味作漆今按當作漆○不仁者無愛親之隱不知者無燭理之明備物則不致死之不可用則不致生之是仁與知兼也漆猶光也新謂雕飾之芻靈束草為人虞夏有之備刻木為人周始有之象人而用故惡其不仁○家語孔子答反哭升堂反諸其所作也子游問羅頌曰西封明器芻靈

主婦入於室反諸其所養也反哭之也也哀之至也反而亡焉失之矣於是為甚殷既封而弔周反哭而弔孔子曰

殷已慤吾從周封之同○既之曰反哭鄭曰於廟賈曰先祖後嗣作冠昏行一履之地養饋食供養之處

顛謂曰於寢作謂起居養謂飲食恩謂殷殯於廟則反哭當於廟周殯於寢則反哭當自廟即適寢其相弔於寢先猶有殯在今反而亡故哀痛為甚殷弔於之也○以送死於此終然其意質慤不若周人反哭於殯宮極情文之至也○

家語孔子既封主人贈而祝祖虞尸既反哭主人與有司答子夏問

視虞牲有司以几筵會奠於墓左反日中而虞葬日虞弗忍一日離也虞而立尸有儿筵卒哭而諱生事畢而鬼事

始已是日也以虞易會卒哭曰成事是日也以吉祭易喪

祭明日禘於祖父其繼而之吉祭也比至於耐必於是日

也接不忍一日末有所歸也既變主人以卒繚束帛瘞死者於壙祝先歸宿虞尸男男

尸女女尸主人既反陳牲門外北面西上主人及有司省之又使有司釋奠於墓左以禮土神以親托體於此所神

佑之也周禮祭墓家人為尸有司反乃虞於窆葬以朝故虞以日中餘則以朝也葬日必虞不忍親一日無所安若

墓遠則日中塗次虞之惟卒虞必於窆耳小斂奠無席大斂奠有席無几虞乃有儿筵葬前不諱猶以生待之卒哭

乃諱以神待之也始虞曰哀薦裕事再虞三虞皆曰虞事卒哭乃曰哀薦成事祭以吉為成也周制卒哭而耐故始

虞即告以適爾皇祖某甫卒哭獻畢即饋以送其神也
 廟明早即於祖廟祔祭以迎其神不忍親一日無所歸也
 孔子曰若速葬者速虞則卒虞之後凡則日必接連其祭至
 三月卒哭乃祔愚按若練而祔則初虞不言適皇祖卒虞
 亦不行 殷練而祔周卒哭而祔孔子善殷 周已感故從殷
 問程子曰禮卒哭猶在朝夕奠若祔廟無主在寢祭於何
 處張子曰三年喪畢因祔祭禋主藏於夾室新主乃自甕
 宮入於廟國語曰祭正謂三年不徹几筵朝夕之饋猶定
 省之禮如親存也豈無主在寢乎高閔曰期而祔人之
 情也卒哭而祔亦久矣唐開元禮既禫而祔又太遲大
 祥徹几筵豈可至禫而祔擬大祥徹靈座明日即祔朱子
 曰羣言滄龍表諸聖但殷禮節文無可考故澠公書儀雖
 記孔子言而卒從儀禮也鄭氏言祔已復於寢練而后遷
 廟左傳亦有特祀於主之文是周非無主在寢程子考之
 未詳耳聞元禮高氏非之然即其自為說亦已一夕無所
 歸矣恐不若且依儀禮也又曰穀梁但言練而壞廟安知
 非練遷舊主三年納新主耶又曰必先遷高祖主於夾室

然後可改毀而納祖主又遷祖主於新廟然後可改毀而
納新主思就朱子說參考之記言喪者不祭左傳言特祀
於主烝嘗禘於廟周禮王有大故則宗伯攝祭王制牲酌
禘禘禘嘗禘烝蓋三年之內殯宮之祭君自主之故言特
祀於主宗廟禘嘗烝祭宗伯攝之故言喪者不祭穀梁言
練而壞廟是若干練祭以適爾皇祖告明日禘於祖既告
仍反主殯宮於第一禘宗伯告當遷遷於羣祖第二禘
高祖主於太廟之夫室既遷壞高祖廟新之以待祖主第
三禘祭畢反廟主於高廟既遷壞祖廟新之以待新主之
入第四禘新主入於廟蓋必遷者義之公故臨之以太廟
而改題毀廟皆行之以攝祭之宗伯耐者仁之道故耐於
祖而行之以嗣位之孝王且因禘而遷則昭穆主皆入太
祖之室因而而遷之夫室則遷之有禮而無迫促之嫌而后
壞廟新廟皆有次第而無急猝之失主既入廟明日徹廟
座自不至一日末有所歸故服虔云三年中不得遷廟三
年喪畢遷烝嘗禘而遷也若喪畢當春酌牲祭未可遷諸
侯禘一植亦未可遷故徐邈云三時皆可禘而服終無常
喪畢則隨烝嘗禘而禘而杜預遂以禘禘為遷主之祭許

慎謂三年喪畢則禘於太廟以致新死者杜佑謂禘祭後乃禘於太廟來年禘於羣廟范甯謂三年喪畢致新主於太廟曰禘諸悞所自來也周人節序如此則卒哭而禘不免太早不若練而禘之適中矣孔子善殷其從殷黃喪不慮居毀不危身毀不慮居為無廟也毀不危身為無後也。慮居謂謀居處之安主未入廟不敢謀安身以繼親不故滅性二者皆孝也鄭云慮居賣宅舍以供喪用則無廟矣古田里受之始死充充如有窮既殯霍霍如有求而君賣宅非古也。弗得既葬皇皇如有卒而弗至練而慨然祥而廓然此所謂順變也充充鬱結之意罪驚傾之貌皇皇眷念之狀慨然回念而自悲廓然墮落無所賴孝子之哀難以漸殺然不厲之思終身之慕亦已可見矣

右第一章

俱檀弓十八頌錯出以禮前後之差次之

親始死。雞斯徒。跣扱上衽。交手。哭惻怛之心。痛疾之意。傷腎乾肝焦肺。水漿不入口。三日不舉火。故鄰里爲之糜粥以飲食之。夫悲哀在中。故形變於外也。痛疾在心。故口不甘味。身不安美也。三日而斂。在牀曰尸。在棺曰柩。哭踊無數。惻怛之心。痛疾之意。悲哀志懣。氣盛故袒而踊之。所以動體安心下氣也。婦人不宜袒。故發背擊心。爵踊。股股田田。如壤牆然。悲哀痛疾之至也。故曰辟踊。哭泣哀以送之。送形而往。迎精而反也。其往送也。望望然。汲汲然。如有追而弗及也。其反哭也。皇皇然。若有求而弗得也。故其往送

也如慕其反也如疑求而無所得之也入門而弗見也上
 堂又弗見也入室又弗見也亡矣喪矣不可復見已矣故
 哭泣辟踊盡哀而止矣心悵焉愴焉惚焉愾焉心絕志悲
 而已矣祭之宗廟以鬼饗之徼幸復反也成壙而歸不敢
 入處室居於倚廬哀親之在外也寢苦枕由哀親之在土
 也故哭泣無時服勤三年思慕之心孝子之志也人情之

實也。維斯作笄纏上衽深衣前衽挽之帶間以衰未成也
 腎主哀哀甚則腎水傷而肝者腎之子肺者腎之母

水洞則無以滋木而肝乾亦無以潤金而肺焦也厚曰康
 薄曰粥鄰里飲食之懼其以死傷生所以相卹也哭踊有
 飾動尸舉柩則無數變於常節也爵踊如爵之踊足不離
 地也殷殷田田辨之聲也送形送柩往葬迎精反哭而虞

望遠瞻仰之意汲汲促成之情皇皇眷念之狀見形之往而追之故如墓不見神之反而待之故如疑盡哀而止言心欲絕也宗廟謂殯宮朝夕之奠如事生所謂服動也○司馬溫公曰殯斂之際雖哭辨無數亦當輟哭臨視務令安固不可致後悔又按上葬禮道車載朝服乘車載弁服從行既下棺除帷荒諸飾斂朝服弁服於柩車而歸所謂迎精也司馬公始有墓上題主之法非古而深得禮意若如古虞而作土則既殯以復衣置靈座以依神朝廟以銘旌與復衣行下棺以復衣迎精反附或問曰死三日而後殯以復衣斂之喪祭則設之亦可也

斂者何也曰孝子親死悲哀志懣故匍匐而哭之若將復生然安可得奪而斂之也故曰三日而後斂者以俟其生也三日而不生亦不生矣孝子之心亦益衰矣家室之計衣服之具亦可以成矣親戚之遠者亦可以至矣是故聖

人為之斷決以三日為之禮制也以下皆說為問答此一節明教之義。溫公曰

貧者喪具未備拾棺未成即過三日無傷世以陰陽拘忌盛暑至汗流蟲出則特矣或問曰冠者不

肉袒何也曰冠至尊也不居肉袒之體也故為之免以代

之也然則禿者不免偃者不袒跛者不踊非不哀也身有

痼疾不可以備禮也故曰喪禮惟哀為主矣女子哭泣悲

哀擊胸傷心男子哭泣悲哀稽顙觸地無容哀之至也或

問曰免者以何為也曰不冠者之成服也禮曰童子不總

惟當室總總者其免也當室則免而杖矣此一節明免之義禿無髮偃樂

手跛短足有一疾則廢一體女子不能踊則唯擊胸男子不能踊則唯觸地以致哀也免以代冠故童子未冠可以

不免者為孤子而當室則免以成人行也又童子不知疏
遠之戚故不總不能至於病故不杖既當室而免則亦宜
總且可杖矣。孔曰童子雖不總亦免而深衣無經射著
曰未入歲服近屬止深衣劉智曰過八歲即制服愚按此
唯言不總則小功以上則制服特不踊不杖不廬耳或問曰杖者何也曰竹桐一也
故為父苴杖苴杖竹也為母削杖削杖桐也或問曰杖者
以何為也曰孝子喪親哭泣無數服勤三年身病體羸以
杖扶病也則父在不敢杖矣尊者有故也堂上不杖辟尊
者之處也堂上不趨示不遽也此孝子之志也人情之實
也禮義之經也非從天降也非從地出也人情而已矣此
節明杖之義苴也係詳雜記削削之使方也堂
上不趨亦謂父在母喪恐以迫促傷父心也

右第二章

問喪原篇

三年之喪何也曰稱情而立文因以飾羣別親疎貴賤之

節而弗可損益也故曰無易之道也創鉅者其日久痛甚

者其愈遲三年者稱情而立文所以為至痛極也斬衰直

杖居倚廬食粥寢苦枕由所以為至痛飾也三年之喪二

十五月而畢哀痛未盡思慕未忘然而服以是斷之者豈

不送死有已復生有節也哉疑苦荀子作麻薪。人盡羣也而羣之中規疎與貴賤殊

其等殺皆有自然之理所謂天也苟不定為多寡之節則人將以私意損益其間而等殺亂矣聖人因人情自然之

則而立文以飾之以四時三時二時一時別親疎貴賤之

等而又於尊親中為親三年為君三年以為之極而親之

婦人其於君故親喪三年所以至痛極也然二周
爲大祥又一月禫而喪畢矣豈非爲至痛節也哉凡生天
地之間者有血氣之屬必有知有知之屬莫不知愛其類
今夫大鳥獸則失喪其羣匹越月踰時焉則必反巡過其
故鄉翔回焉鳴號焉蹠蹠焉踟躕焉然後乃能去之小者
至於燕雀猶有啁噍之頃焉然後乃能去之故有血氣之
屬者莫知於人故人於其親也至死不窮將由夫患淫邪
之人與則彼朝死而夕忘之然而從之則是會鳥獸之不
若也夫焉能相與羣居而不亂乎將由夫修飾之君子與
則三年之喪二十五月而畢若駒之過隙然而遂之則是

無窮也。故先王焉爲之立中制節，壹使足以成文理，則釋之矣。荀子躋作躋，患作愚，陋從作縱，夫焉焉爲二焉皆作安。○患如患病之患，謂深痼於此也。然猶如此也。修飾修飾其飾羣之道，相交曰文，各別曰理。患淫邪之人，失於薄修飾之君子，務於厚如此而無以制之，則薄者忘親厚者滅性，故先王酌理之中，制理之節，使一切皆範於禮，然其交足以成文，其辨足以成理，而憂世之心，亦可釋矣。然則何以至期也？曰：至親以期斷，是何也？曰：天地則已易矣。四時則已變矣，其在天地之中者，莫不更始焉，以是象之也。然則何以三年也？曰：加隆焉爾也。焉使倍之，故再期也。由九月以下，何也？曰：焉使弗及也。故三年以爲隆，總小功以爲殺，期九月以爲間。上取象於天下，取法於地，中取則

於人。人之所以羣居和壹之理盡矣。故三年之喪，人道之至文者也。夫是之謂至隆，是百王之所同，古今之所壹也。

未有知其所由來者也。孔子曰：子生三年，然後免於父母

之懷。夫三年之喪，天下之達喪也。荀子為以焉使之焉皆

通。天地之道一時而小變，二時而一氣成，三時而再變。

四時而二氣成人情亦然。故情以期斷，而父母之恩重。故

山期而倍之，其餘由期過降之，而三時二時一時，親疏然

貴賤亦然也。先王法天地，本人情，制為貴賤親疎之等，使

羣居之人各稱其情，而和其循其禮，而壹皆稱情以立文

而三年之文為至其情為極隆也。夫三年之喪，歷代所同

莫知其所自始，惟孔子所云三年之懷，可以見喪必三年

之故，即淫邪之人，可以足發其良心，而不容已，在修飾之

君子亦可以禮節情，而不至於太過也。朱子曰：至親以

期斷，父母本是期，加成三年，祖父母伯叔父母兄弟之子

喪已 喪義 卷之二 二

本是大功。加成期。其從祖伯叔父母之小功。乃正服。不加者耳。愚按。父為子綱。君為臣綱。夫為妻綱。惟此三綱。皆三年斬。婦人夫死。從子母。不能為子綱。故雖三年不斬也。其餘適子為長子。斬以繼父。故適子受重為祖。斬以繼統。故其係無服。斬者為君之父母。父之父母。夫之父母。皆期。亦以三綱而上推之。明制庶子為其母服。斬婦為舅姑皆斬。而三綱亂矣。陸清獻謂。洪武憲孝錄。直是私心自用。諒哉。事親有隱而無犯。左右就養。有無方服。勤至死。致喪三年。事君有犯而無隱。左右就養。有方服。勤至死。方喪三年。事師無犯無隱。左右就養。無方服。

勤至死。心喪三年。檀弓。民生於三。親生之。君食之。師教之。故事之如一也。然而事之又有異焉。親者仁之所在。君者義之所在。師則道之所在也。親與君有過。皆不可不諫。然於親而犯。則懼其賊恩於君而隱。則近於容悅。故諫親則用幾。而有隱無犯。諫君則用直。而有犯無隱。若師則道勝於我。即有所疑。亦直陳已見。以聽取。

裁而隱與犯兩無所用之矣就養致其愛服勤盡其勞事
親事師不分職掌故或左或右不一其方事君各有專職
故左右不得相踰而要其服勤則皆致死而無異其所以
事生者如此而及其死也則親之哀於是為極而君之喪
亦比之所謂三年之喪如斬者於親固動於自然於君亦
不敢不及也若師則身雖無心斷之服而所為創鉅痛深
者亦於親無異焉所謂若喪父而無服也資
於事父以事君事師而萃居和壹之理盡矣

右第三章

上三節三年間原篇今按其中見荀子蓋
荀况所撰也未有知其所由來下與荀子

異則記者取論語以見折衷聖人之意耳末節取
檀弓文附之者以所論者皆三年喪且起下章

於事父
之義

凡禮之大體體天地法四時則陰陽順人情故謂之禮
之者是不知禮之所由生也
體天地以定其本法四時以
定其數則陰陽以定其類順

人情以定其宜凡禮皆然下乃專以喪禮言也夫禮吉凶異道不得相干取之陰

陽也喪有四制變而從宜取之四時也有恩有理有節有

權取之人情也恩者仁也理者義也節者禮也權者知也

仁義禮知人道具矣大戴作禮之象五行也其義四時也故以四制有恩有理有節有權而無

餘文。禮有五吉凶軍賓嘉而賓嘉亦吉軍亦凶止二道也。仁主於愛故恩曰仁。義別事理故理曰義。禮以節民之

性故節曰禮。知以度事物之宜故權曰知。其恩厚者其服重故為父斬衰三年

以恩制者也。仁主於愛愛莫大於愛親。獨言父者父教養兼之。母能養不能教也。孔子曰門內之親皆

以恩制而過殺。門內之治恩掩義。門外之治義斷恩。資於事父以

事君而敬同。貴貴尊尊。義之大者也。故為君亦斬衰三年。

以義制者也

思掩義如父子相隱義斷思如大義決規資取也義主乎敬敬莫大於敬君馬蹄孟曰貴

大夫尊天子諸侯思謂以位曰貴以分曰尊皆統言之。

陳賾曰父母之喪三年不從政是思斷義有君之喪不敢

私服是資於事父以事母而愛同天無二日土無二王國

義斷思

無二君家無二尊以一治之也故父在為母齊衰期者見

無二尊也三日而食三月而沐期而練毀不滅性不以死

傷生也喪不過三年直衰不補墳墓不培祥之日鼓素琴

告民有終也以節制者也

大戴培作坏下有不同其陵四字。父母之愛同而家無二尊

故父在為母期以節制也三日始食賜虞解始沐浴衰破

不復補屋成不復坏大祥即鼓琴素琴琴無漆飾者殺衰

有漸亦以節制也杖者何也爵也三日授子杖五日授大

凡此皆所謂禮也

喪義

夫杖七日授士杖或曰擔主或曰輔痾婦人童子不杖不能病也百官備百物具不言而事行者扶而起言而后事行者杖而起身自執事而后行者面垢而已秃者不整偃者不袒跛者不踊老病不止酒肉此人者以權制者也大無杖者四十字此人者作凡此。君喪有爵者皆杖而或早或遲以情有疏戚不同權制一也。親喪凡子皆杖惟長子主喪以杖即位餘但輔病不以即位權制二也。婦人不主喪不杖童子未成人不杖權制三也。王侯不言百官各以物至故病可深大夫士必自言故病不可極庶人身自執事并不可病權制四也。無髮不髮五也。手舉不袒六也。足偏不踊七也。始死三日不息三月不解期悲哀三年愛老疾須養八也。恩之殺也。聖人因殺以制節。此喪之所以三年。賢者不得

過不肖者不得不及此喪之中庸也王者之所常行也齊
曰高宗諒闇三年不言善之也王者莫不行此禮何以獨
善之也曰高宗者武丁武丁者殷之賢王也繼世卽位而
慈良於喪當此之時殷衰而復興禮廢而復起故善之善
之故載之書中而高之故謂之高宗三年之喪君不言書
曰高宗諒闇三年不言此之謂也然而曰言不文者謂臣
下也此喪之中庸下並與大戴異。此下又明親喪中亦
有四制以中人道具之意自始死至終喪哀以漸殺
思制之中有節天子三年不言臣下惟言不
文恩制之中有權也言不文孝經語此引之父母之喪衰
冠緇纓菅屨三日而食粥三月而沐期十二月而練冠三

年而祥比終茲三節者仁者可以觀其愛焉知者可以觀其理焉彊者可以觀其志焉禮以治之義以正之孝子弟弟貞婦皆可得而察焉父母之喪冠履皆異此約舉之三節葬練祥也愛心之懸理心之辨志心之專仁者惻怛知者精詳彊者堅久於此皆有可觀是禮之所以然皆當然之義則恩制之中有義矣又言不特孝于凡弟弟貞婦之能行喪禮者皆可察其愛理志以申明人道之具也

右第四章

喪服四制原篇。按小戴本無此篇屬融劉向鄭本俱無之惟大戴本命篇略同

蓋後人採大戴文而附益其首尾以成此篇而屬諸小戴之末究不知誰氏也

斬衰何以服苴苴惡貌也所以首其內而見諸外也斬衰貌若苴齊衰貌若臬大功貌若止小功總麻容貌可也此

哀之發於容體者也

直麻有子者其色黧黑斬衰布經用之首標舉之義服必稱其情容必稱

其服故服斬者面目黧黑似之泉以無子者其色稍白而枯黯服齊之貌似之大功之貌拘迫而少從容若小功之貌即有容儀亦可也 斬衰之哭若往而不反齊衰之哭若往而反

大功之哭三曲而偯小功總麻哀容可也此哀之發於聲

音者也

往而不反無回聲也偯則有委曲不惟回聲矣哀容但有涕泣之形無哭聲也

斬衰之喪

唯而不對齊衰之喪對而不言大功之喪言而不議總小

功之喪議而不及樂此哀之發於言語者也

四制與本篇同特多四之

喪字今存之而則重出者。唯人有問但應之以聲而已對則陳其事理言則人所不問者表亦及之議則及往來辨論之詳而樂之事猶不及也 斬衰三日不食齊衰二日不食大功三不

食小功總麻再不食士與敎焉則壹不食故父母之喪既

殯食粥朝一溢米暮一溢米齊衰之喪疏食水飲不食菜

果大功之喪不食醯醬小功總麻不飲醴酒此哀之發於

飲食者也父母之喪既虞卒哭疏食水飲不食菜果期而

小祥食菜果又期而大祥有醯醬中月而禫禫而飲醴酒

始飲酒者先飲醴酒始食肉者先食乾肉

醴酒之醇者少楚多米并曾飲

之中月禫祥之月也詳見大記父母之喪居倚廬寢苦枕由不說經帶齊

衰之喪居聖室辛翦不納大功之喪寢有席小功總麻牀

可也此哀之發於居處者也父母之喪既虞卒哭柱棺

屏半翦不納期而小祥居墜室寢有牖又期而大祥居復

寢中月而禫禫而牀

說脫同平音下。平肅可為席者但

外室傍之餘草。○按此與大記諸篇五異。先儒謂每服有

降正義三等降從重。正從中。義從輕。朱子謂此等瑣細處不須參討。但自致其哀足矣。愚謂隨輕重而稱情立文可也。 斬衰三升齊衰四升五升

六升大功七升八升九升小功十升十一升十二升總麻

十五升去其半有事其縗無事其布曰緦此哀之發於衣

服者也斬衰三升既虞卒哭受以成布六升冠七升為母

疏衰四升受以成布七升冠八升去麻服葛葛帶三重期

而小祥練冠縗緣要經不除男子除乎首婦人除乎帶男

子何爲除乎首也婦人何爲除乎帶也男子重首婦人重

帶除服者先重者易服者易輕者又期而大祥素縗麻衣

中月而禫禫而織無所不佩斬衰正服三升義服三升半

至總麻亦當有十三升十四升至十五升今但就三等去

其半而十四升以服輕從略也孔謂十五去半用七升半

則反重於大功正服非是有事其終先者其接而後織無

事其布不加灰治也斬衰冠正義皆六升齊衰冠降七升

正八升義九升大功冠降正皆十升義十一升小功冠

與衰同受服冠加一升總衰冠八升衰四升半無受也斬

衰既非受服冠七升衰六升既練冠九升衰八升齊衰正

服以下大功義服以上既葬衰視冠升數而冠視衰加一

升小功既葬冠衰各加一升總無受也受以成布者先之

衰服粗疏特甚如未成布至六升乃略成布也服葛男子

易葛要經婦人易葛首經也葛帶三重謂男子葛帶四股

糾之若婦人葛經則二股也男子陽故重首女子陰故重

腰際服先重故既練男子除首經婦人除要經易服先輕
故既虞男子易要經婦人易首經也戴侗曰縞粗織細皆
縞也大祥朝服以祭祭畢餘哀未忘更反微凶之服首者
縞冠以素紕之身者十五升麻布衣尚未有采緣而平常
佩用已無不佩也○按縞之說服皮曰細布先鄭
曰采緣先孔曰細縞後鄭曰黑經白緯疑或得之易服者

何為易輕者也斬衰之喪既虞卒哭遭齊衰之喪輕者包
重者特既練遭大功之喪麻葛重齊衰之喪既虞卒哭遭
大功之喪麻葛兼服之斬衰之葛與齊衰之麻同齊衰之
葛與大功之麻同大功之葛與小功之麻同小功之葛與

總之麻同麻同則兼服之兼服之服重者則易輕者也

又此
曰易輕推言之上以受除之變除言此以並有喪之輕重
言也孔曰斬衰受服遭齊衰初喪男子輕要者齊衰麻帶

包斬衰葛帶婦人輕首者齊衰麻經包斬衰葛經所謂經者包也陳曰男子重首服斬衰首經不兼齊衰首經婦人重要服斬衰要帶不兼齊衰要帶所謂重者特也張子曰若斬衰既練齊衰既卒服又有大功斬衰則首有齊衰之葛經要有斬衰之葛帶其粗細與大功之麻正同則麻與兩服之至大功既葬當易葛帶則但服齊衰之葛經斬衰之葛帶而大功之葛帶不用所謂兼服則易輕也自此以下遞推之若齊衰未葛則大功之麻免則經之不易齊衰之麻也○孔曰斬衰既練遭大功之喪男子首服大功之麻經以大功之麻經易練之葛帶婦人要服大功之麻帶以大功之葛經易練之葛帶是重麻也至大功既虞卒哭男子帶以練之故葛而首者大功之葛經婦人經以練之故葛而要着大功之葛帶是重葛也齊衰受服時男子首易葛經要易葛帶遭大功之喪則以大功之麻帶易齊衰之葛帶而首猶葛經是麻與葛兼服之也婦人齊衰不葛帶則此時麻經而葛帶不兼服也

按重孔如字張平聲今從服于

右第五章

也。傳原篇附之間者。與其等列相法之差也。按古人論服莫重於斬衰而毛奇齡

謂自古無斬衰名。戰國後儒造儀禮妄分父斬衰母齊衰二等。春秋以前並無父贏母緦之說。論孟並無斬齊二名。愚謂周禮為天王斬衰后齊衰。記言為天王斬衰服父之義為后齊衰服母之義。是分齊斬不獨儀禮也。禮記會中告魯穆與孟子告滕文語略同。是齊疏即齊斬也。古人未葬服斬不離殯宮既葬而出受以齊衰矣。不得以夫子見斬哀者何不作不越為難也。若謂三禮俱屬偽撰。則後人論禮復何據乎。至謂父母一等前無贏緦則天無二日比無二王家無二主夫為妻綱夫死從子之義俱可廢矣。何悖謬至此。

孔子曰身有瘍則浴首有創則沐病則飲酒食肉毀瘠為

病君子弗為也毀而死君子謂之無子。

創瘡通。三年之喪不肖者之所勉。

則能病者為君子矣然有意修飾而毀瘠為病則反過而非君子之所為又甚而至於死則君子直謂之無子蓋身者親之枝必有身乃足以承先故不敢不有其身也喪食雖惡必充饑饉而廢事非

禮也飽而忘哀亦非禮也視不明聽不聰行不正不知哀

君子病之故有疾食肉飲酒中上飲酒食肉之意廢事不

孝不知廢事之亦為不孝也五十不致毀六十不毀七十飲酒食肉皆

為疑死中毀而死謂之無子之意疑猶幾也言君子之親

喪外除兄弟之喪內除外除服已除而哀心未忘也免喪

之外行於道路見似目瞿聞名心瞿弔死而問疾顏色戚

容必有以異於人也如此而后可以服三年之喪其餘則

直道而行之是也

雅音句。見人形之似吾親者而目擊

而哀過於常人。此皆哀戚未忘。一觸而即動。所謂外除也。其餘自兄弟以盡五服。則循禮而行足矣。無有餘哀。所謂

內除也。

右第六章

俱雜記篇文。上三節保身之孝。後二節哀親之誠。孝子之心。固重行不悖也。

禮記卷七之一終

禮記卷七之二

任啓運章句

檀弓上

孔本第三內本第十六今定為第二十六○
檀弓人姓名徐云曾子門人纂修論語者劉

云子游門人今按篇中多推尊子游似劉說近是但
篇中所記多傳聞非實而孔云仲梁子六國時人則
成是書者必戰國時人非弓也或弓有所記而後人
因之未可知耳內城曰篇中記喪者十之八故今取
其言喪之義者人上篇其行禮之得失凡屬孔門者
次為檀弓上篇君卿大夫士者為檀弓下而雜記之
類此者亦并附焉
以為喪禮之故

子游問喪具夫子曰稱家之有亡子游曰有無惡乎齊夫

子曰有毋過禮苟亡矣斂手足形還葬縣棺而封人豈有

非之者哉

稱去聲還旋通縣音乎封完通左作塋○喪具
送終所用也乎齊恐有則過猶無則不及禮也

檀弓上

卷七之二

加言
一之二
一
斂手足形衣衾不備其數還葬踰月三月不逮其期雖棺而窆亦無碑綽之制蓋過禮則入於奢僭而其罪大不及則無財不可以為悅未嘗不可致其情也

右第一章

子路曰傷哉貧也生無以為養死無以為禮也孔子曰啜菽飲水盡其歡斯之謂孝斂手足形遠葬而無椁稱其財斯之謂禮叔菽通。吳澄曰啜菽以豆一樹入米少許煮粥食之極貧者之食也。生事盡愛死事盡敬貧非所憂也。世固有三牲之養而不能歡厚葬為觀美而陷非禮者亦有處於貧而托此以自解者必實盡其歡稱其財方無愧於心

右第二章

子路曰吾聞諸夫子喪禮與其哀不足而禮有餘也不若禮不足而哀有餘也祭禮與其敬不足而禮有餘也不若禮不足而敬有餘也

夫子嘗以告子游而子路聞而稱之禮文也哀敬本也禮無本不立無文

不行而本為尤中陳旆曰此亦寧儉寧戚之意

右第三章

子貢問喪子曰敬為上哀次之瘠為下顏色稱其情戚容稱其服

敬者必誠必信之意哀則悲痛懼懼之實也親痛可勉而能故不如哀然一於哀而附身附棺一有不謹未必無

悔故敬為上請問兄弟之喪子曰兄弟之喪則存乎書策矣

循禮而行可也兄弟統三族言之

右第四章

雜記文 附入者

子夏問諸夫子曰居君之母與妻之喪

家語有知之何子曰五字

居處

言語飲食行爾

家語下有在喪所則稱其服而已。君之母與妻皆謂小君也

禮為小君不杖期居

處謂平居小君名尊而恩淺故自喪所退則飲食言語皆如其常也

右第五章

孔子曰伯母叔母疏衰踊不絕地姑姊妹之大功踊絕於

地如知此者由文矣哉由文矣哉

疏衰服重而踊不絕地名雖尊而恩淺也大功

服輕而踊絕地服雖降而情親也由文謂由釋禮文而知其以名加以出降之義也陸佃曰言此豈由乎文者哉哀

之淺深出乎情也亦通

右第六章 雜記

孔子少孤不知其墓殯於五父之衢人之見之者皆以為
葬也其慎也蓋殯也問於柳曼父之母然後得合葬於防
桓那請引湯如字○孔子三歲喪父二十四歲喪母鄭謂
殯引飾棺以輜葬引飾棺以柳窆人初見棺在於道皆以
為葬及觀其引乃殯之引致人疑問以得父墓所在也湯
謂其慎言其慎重如此也防今廢聖林南負防山北臨泗
水○孔氏曰不知謂不得委曲適知父柩所在非全不知
其地也陳澠曰聖人人倫之至豈有終母之世不詢父墓
所在者且惟死無室廬乃殯於路聖人忍以是待其母乎
愚按孔子魏欲相李由而由盜生不知其父由設此以
自解當時孔斌已斥其造誣謗聖矣記者
因山妄語遂信而錄之為戰國時人可知

右第七章

孔子既得介葬於防曰吾聞之古也墓而不墳今正也東西南北之人也不可以弗識也於是封之崇四尺孔子先反門人後雨甚句至句孔子問焉曰爾來何遲也曰防墓崩孔子不應三孔子泣然流涕曰吾聞之古不修墓塋平曰墓高起曰墳孔子殷人世川成禮故不墳今封之四尺則用周士禮也識記也日中而虞故先反以修事門人則當待封畢乃歸泣然流涕孔氏曰傷修墓之遠古陳潛曰傷始築之不謹也

右第八節

按葬母時孔子未適他國安得有東西南北之人語亦得之傳聞而妄記之

夫子之母名徵在言在不稱徵言徵不稱在

夫子母顏氏禮二名不偏

諱一則

不諱也

右第九章

孔子既祥五日彈琴而不成聲十日而成笙歌

既祥祥月之外五日

彈琴所謂徒月樂也不成聲哀未忘也十日成笙歌節哀

順變也鄭曰琴以手笙歌以氣孔子親喪外除故先琴

有子蓋既祥而絲履組纓

因類附記之禮既祥白履無紉緇冠素紕絲履組纓則早於忘

哀有子以孝弟為本且言行似聖人

疑不出此曰蓋者明係傳聞之辭

右第十章

魯人有朝祥而莫歌者子路笑之夫子曰由爾貢於人終

無已夫三年之喪亦已久矣夫子路出夫子曰又多乎哉

踰月則其善也

是時喪禮久廢而此人獨行三年喪故夫子抑子路之笑然終非禮之正故子路出

又言此去可歌之日又幾時哉但踰此月則善耳雖不
請其備禮亦不許其不及禮聖人之教婉而嚴如此

右第十一章

孔子與門人立拱而尚右二三子亦皆尚右孔子曰二三

子之嗜學也我則有姊之喪故也二三子皆尚左

吉事尚左陽也

凶事尚右陰也小功以下為吉喪亦尚左手姊期降大功為凶喪故尚右

右第十二章

子路有姊之喪可以除之矣而弗除也孔子曰何弗除也

子路曰吾寡兄弟而弗忍也孔子曰先王制禮行道之人

皆弗忍也子路聞之遂除之

禮姊妹適人降大功若無生則服期不降子路之姊非無

王而欲以寡兄弟加隆過於情反越於禮矣夫子言禮為先王所制正恐人情之或過或不及故為定制以範之耳若但言弗忍則此弗忍者又豈非行道之人所能者哉以見其不足貴也

右第十三章

伯魚之母死期而猶哭夫子聞之曰誰與哭者門人曰鯉

也夫子曰嘻其甚也伯魚聞之遂除之禮父在為出母杖期父歿而為父後

則不服伯魚之母雖出而夫子在則可以期既期而猶哭則太甚矣○湯三才曰孔子年十九娶宋元官氏明年生

伯魚年六十六元官氏卒則元官氏未嘗出也此必漢儒欲明出妻之義而托之聖人耳愚按父在為母期即不出

亦不當過期猶哭也此章於出母無明文但後子上章喪出母難說耳又考孔庭後記言孔氏三出妻叔梁紇其一

則孔子未嘗出妻也

右第十四章

南宮縚之妻之姑之喪夫子誨之髻曰爾毋從從爾毋

扈扈爾蓋榛以為笄長尺而總八寸從從通。縚妻孔子

子之妻山高而聳曰從卑而大曰扈吉髻高廣似之喪不

尚飾必毋然也吉笄長尺二寸總垂亦尺二寸齊衰榛笄

右第十五章

弁人有其母死而孺子泣者孔子曰哀則哀矣而難為繼

也夫禮為可傳也為可繼也故哭踊有節弁下通。孺子

聖人制禮在與人必使可法即一人亦使可久若一於哀

即一身亦有難繼者矣故聖人聞其聲而歎其過於情且

憂其間
於後也

右第十六章

孔子惡野哭者。胡銓曰：哭不以禮謂之野，非其時非其地之。張子曰：有服之喪不哭於家而哭於野是惡凶事也。亦通。

右第十七章

伯高死於衛，赴於孔子。孔子曰：吾惡乎哭諸？兄弟吾哭諸，廟父之友吾哭諸，廟門之外，師吾哭諸，寢朋友吾哭諸，寢門之外，所知吾哭諸，野於野則已，疏於寢則已重。夫由賜也，見我吾哭，諸賜氏遂命子貢爲之主，曰：爲爾哭也來者。

拜之知伯高而來者勿拜也。惡不聲。兄弟同所自出故於廟父主在廟故哭父友在廟門外亦為父而哭也。師親而尊友親而不尊于祭皆親之而以門內外辨尊卑也。所知情泛故於野馬疇孟曰聖人表微故一髮位而詳審如此方慈曰以子貢為主明恩之所由姚舜牧曰所謂禮以義起也愚按子貢為哭之主故為弔哭者拜之非為伯高氏之主故為哭伯高者勿拜。方慈曰弔生之禮在子貢哀死之禮在伯高拜與不拜凡以構其情而已。

右第十八章

伯高之喪孔氏之使者未至冉子攝束帛乘馬而將之孔

子曰異哉徒使我不誠於伯高也。使者家語作使子張攝假也代也二十丈為束束帛

乘馬物則厚矣而實非聖人所將是不誠也徒使我不誠見不止於情不足也

右第十九章

孔子之故人曰原壤其母死夫子助之沐椁原壤登木曰

久矣予之不託於音也歌曰狸首之斑然執女手之卷然

夫子為弗聞也者而過之從者曰子未可以已乎夫子曰

正聞之親者毋失其為親也故者毋失其為故也卷音奉從去聲

○原氏壤名蓋文王十六子原伯之後沐椁椁木修治而
滑澤也登進也久不歌而今歌故為放誕見禮法之不拘
也狸首之斑喻木文之華女手之卷喻修治之滑若為弗
聞而過隱其惡以全交也從者家語作子路已猶絕也夫
子但告以處親故之道而壤忘親之罪已自見矣○朱子
曰壤之歌乃是大惡若妻理會不可但已只得且休至其
夷俟不可不教誨故直責之又叩其脛若槩說不要管他
却非朋友之道愚按阮籍母卒飲酒一號吐血哀毀骨立

已擅弓上
卷七之二
七

蓋故為放謬而至性却過人想原壤亦必有至性過人處故夫子與之遊母死又助之沐椁其情義非淺也今日之歌却出意外夫子不絕他正有委曲陶鑄處於此可見聖人覆載生成氣象若未到聖人地位此等人且須遠之恐他樂節夷而惡禮法浸淫及我便使我一生喪所守

右第二十章

賓客至無所館死無所殯

四字從家語補

夫子曰生於我乎館死

於我乎殯

此記者約舉夫子生平言有客至無所館者則夫子曰於我館死無所殯者則夫子曰於我殯

使生死各得其所覆載生成之心也

右第二十一章

夫子曰始死羔裘芻冠者易之而已

家語季桓子死魯大夫朝服而帶子游問

而夫子答之以主人未成服故弔者亦未弔服也。○孔謂
養有疾者先必朝服羔裘。○羔裘者，祭服也。死乃易深衣，似未該
羔裘乎冠。夫子不以弔。記夫子事以質之，主人未成服，羔
衣冠既成服用弔服總之，不以羔
也。食於有喪者之側，未嘗飽也。食謂因弔而食，朱子曰：臨
自造而至，主人亦不能不食之，然素食可也。酒肉醉飽
則不能以禮自處，又不以禮處人，賢賓必有所不受矣。

右第二十二章

孔子之衛，遇舊館人之喪，入而哭之，哀。出使子貢說驂而
賻之。子貢曰：於門人之喪，未有所說驂說驂於舊館，毋乃
已重乎？夫子曰：予鄉者入而哭之，過於一哀，而出涕，予惡
夫涕之無從也。小子行之。說脫同，鄉去聲。一哀，哀之專
切者，遇主人之一於哀而為之

涕出情之動於不自己也情厚則禮不可輕今若無所賻是漠不相關也而鄉之涕從何來乎深明今日之情必有所不能薄也鄭曰容行無他物可易故遂使以往。輔庸曰義之所可則脫駘以賻奮館人而不吝義所不可則瀕路請車而不從於此可見聖人處事之權衡

右第二十三章

孔子在衛有送葬者而夫子觀之曰善哉為喪乎足以為法矣小子識之子貢曰夫子何善爾也曰其往也如慕其反也如疑子貢曰豈若速反而虞乎子曰小子識之我未之能行也如慕若追而弗及如疑若待而未來此不死其親之至情也子貢以日中當虞如疑則反邊恐不逮日中而祭此知禮之常而不察其情之至夫子再言小子識之而且曰我未之能欲其深察乎情之至而有以

禮大禮
之本也

右第二十四章

顏淵之喪饋祥肉孔子出受之入彈琴而后食之

大祥遠矣而夫

子於淵受之深惜之至故猶不能無感傷彈琴後食欲以和平之習舒其傷感之情也

右第二十五章

按孔子三十九歲顏淵生七十歲則孔子七十二也

孔子哭子路於中庭有人弔者而夫子拜之既哭進使者

而問故使者曰醢之矣遂命覆醢

子路死於衛孔慚之難事在魯哀公十五年

庭東階下少西爲之主而少異乎內喪之爲主也若內喪則拜於東階下當階覆醢痛其願并不忍見其似也但左

傳無醢之事

右第二十六章

子夏既除喪而見。予之琴。和之。而和。彈之。而不成聲。作而曰。哀未忘也。先王制禮。而弗敢過也。子張既除喪而見。予之琴。和之。而和。彈之。而成聲。作而曰。先王制禮。不敢不至焉。家語詩手傳韓詩外傳俱作子夏援琴而絃。衍衍而樂。閔子切切而哀。孔子當以家語為正。過者俯而視。不及者仰而企。要歸於禮之中正而已。

右第二十七章

孔子蚤作。負手曳杖。消搖於門。歌曰。泰山其頽乎。梁木其壞乎。哲人其萎乎。既歌而入。當戶而坐。子貢聞之。曰。泰山

其類則吾將安仰梁木其壞則吾將安仗

謝枋得曰劉向書美家藏禮記

有此句今按家語亦有此句補

哲人其萎則吾將安放夫子殆將病也遂

趨而入夫子曰賜爾來何遲也夏后氏殯於東階之上則

猶在阼也殷人殯於兩楹之間則與賓主夾之也周人殯

於西階之上則猶賓之也而丘也殷人也予疇昔之夜夢

坐奠於兩楹之間夫明王不興而天下其孰能宗予予殆

將死也蓋寢疾七日而沒

消接道遙通。作起負反也。杖道遙朱子曰聖人既病之餘

閒適之際德容如是所謂申申天天也戶謂戶扉開則在

東向壁居奧則對之所謂君子之居恒當戶也鄭謂急欲

見人非放作宗尊也作階主位西階賓位猶有相敵者兩

楹間則南面臨下之位其位最尊夏后殯於阼以親之殷

漸遠周更遠故於西階賓位所謂父母而賓客之也孔子
宋後猶用殷禮以明王不作必不能居尊位享尊禮故知
夢坐兩楹間而受饋奠必死而將殯於此也孔子生於周
靈王庚戌之十一月庚子卒於敬王壬戌之四月己丑○
陳賂曰萬世王
祀亦其應也

右第二十八章

孔子卒斂以受魯君之璜玉葬魯城北

本篇逸文見白虎通義○天子斂尸

用六玉圭在左琬在右璋在首璜在足璧在背琮在腹諸
侯以下降殺未詳今魯君以璜賜而子貢公西華受以歸
蓋諸侯之下大夫禮也
史記葬魯城北泗水上魯哀公諒孔丘曰天不遺耆老莫

相予位焉嗚呼哀哉尼父

將葬既遣乃諒稱名者君臣之
際記者諒之左傳有失跡而此

異者亦記者修之也鄭云有諒必有諒卽以尼爲諒魯按
諒者哀死而述其行之辭非必有諒也禮去位大夫無諒

故舉字
以誅之

右第二十九章

孔子之喪公西赤為志焉飾棺牆置娶設披周也設崇般

也綢練設旒夏也

志章志以別之也牆素披見大記崇崇牙以繒為旒又列繒為崇牙之形以飾

旗側此殷制也綢纏也以練纏以繒旒廣幅長舞懸其上此夏制也若周則旒畫龜蛇周禮大喪葬巾車執葦從車持旒御僕持娶旒從遣車娶水極路此夏旒般崇皆從車所建也郊云夫子般人而兼三王禮所以尊之孔子其不為帶者皆大夫禮也愚按孔子致仕與聞國政吉月猶朝服而朝卒而君斂以璜玉又親誄之是因以大夫待之矣想子路使門人為臣亦是此意但大行不加窮居不損所性分定故也在聖人分上自無藉於此而是時三代之制並存聽人兩取則諸賢之尊聖又未嘗不可如此

皇乙引弓上

一 右第三十章

孔子之喪門人疑所服子貢曰昔者夫子之喪顏淵若喪

子而無服喪子路亦然請喪夫子若喪父而無服

鄭云甲服加麻

三月除之心喪以終三年

右第三十一章

孔子之喪二三子皆經而出羣居則經出則否

羣謂朋友家語子夏

曰入宜經而居出則不經子游曰吾聞諸夫子朋友居則

經出則否喪所尊雖經而出可也文尤明備張子謂居則

經出則否者喪師之常禮經而出者尤厚於孔子陸佃謂

二三子者七十子之徒羣則在七十子之外若思義有淺

深故出有經不經之異義皆可參○程子曰師不立屨不

可立也當以情之厚薄事之大小處之如顏閔於孔子成

已等於生已雖斬衰三年可也其次各有淺深稱其情而
已下至曲藝莫不有師豈可一槩制服耶菴曰若喪父而
無服所謂心喪三年也心喪者身無衰麻之服心有哀感
之債三年之間不飲酒不食肉不御內時至而哀哀至則
哭充充懼懼慨然靡然無以異乎倚廬之下几筵之側也
其恩深義重者固當爲之隆其服其餘亦當因其恩義之
淺深輕重以稱情而立文孔門三千運宵七十夢奠之初
必人人奔赴其三年人別子貢而歸者必有數焉子貢又
獨居三年受恩尤深故也思按喪服記朋友麻先儒謂不
服加麻其服疑衰素衰用總之經帶又云素冠加環經又
云弔服加麻者與總同三月友且如此則師可知漢王元
賞卒門人有服斬者晉郭瑤爲其師郭荷斬衰廬墓三年
唐貞牛千何彥先爲其師王彥方行喪廬墓三年宋黃幹
爲師朱子服深衣加麻用冠經既葬除之心喪三年王栢
爲師何基服深衣帶經冠加絲武金履祥爲栢白巾加經
經如總而差小帶用細帶元顯德玉爲師疑衰加經皆既
葬除之心喪三年夫師非孔子學非回賜而爲之斬木過
也宋元諸儒斯稱情矣徐乾學云服師當齊衰三月齊衰

禮記檀弓上

卷之七

分之尊三月友之例徐說最得制服之中若其於深進退則程子說盡之

右第三十二章

孔子之喪有自燕來觀者舍於子夏氏子夏曰聖人之葬人與人之葬聖人也子何觀焉昔者夫子言之曰吾見封之若堂者矣見若坊者矣見若覆夏屋者矣見若斧者矣從若斧者焉馬鬣封之謂也今日而三斬板而已封尚

行夫子之志乎哉

與平聲後並同。觀觀禮也聖人禮法之宗今葬聖人其禮必有異於流俗故

四方來觀之堂四方而高坊縱長而平上廣下夏屋方廣而中高而後下皆用力多而難成斧則上薄而下亦狹其成爲易也斧形薄如馬鬣故時人名爲馬鬣板廣二尺長六尺坎之兩旁以繩約板築之土與板平則斬其約所板

於上以再絮秀殺而上則斬板三僅高四尺有奇也言人
葬聖人未必有當於聖人之意本無足觀而竊取聖人平
日之言以為準則或有合於聖人之志其可觀或在此也
孫毓云孔墓前高後卑形如卧笄高八九尺與此不合孔
云或後人所增加

右第三十三章

曾子曰始死之奠其餘閣也與

人老疾則置關於寢以備飲食始死即以閣所存脯

醢醢酒奠於尸牀東甯尸右肩如親欲食然也

小斂之奠子游曰於東方曾子曰

於西方斂斯席矣小斂之奠在西方魯禮之末失也

將小斂先

饌於東堂下陳一鼎於寢門外卒斂拜賓祝與執事乃奠
奠於尸東籩一豆一俎在豆東酒醴在豆南脯在酒西醢
在脯北大斂乃三鼎二簋二豆此時死者南首奠於其東
當尸右手如親能食然葬後虞祭始西肆魯人不知而悞

禮記檀弓上

卷七之二

三

記者記兩賢語而又辨禮所由失使行禮者有考也按士喪禮大斂乃有席小斂無之曾子云斂斯席亦悞也

右第三十四章

曾子曰尸未設飾故帷堂小斂而徹帷仲梁子曰夫婦方

亂故帷堂小斂而徹帷未設飾未襲斂也仲梁子名懷魯人夫婦方亂喪遽不避嫌也各言

禮意如此鄭云言方亂非也。按帷有別內外者有別東西者別東西之帷君大夫皆有之男喪帷在尸牀西女喪帷在尸牀東士室狹隘乃無帷而俠牀別內外之帷則君卿大夫士皆有之始死即帷堂尸未襲斂不欲使人襲之也小斂畢奉尸夷於堂大斂畢徹帷既殯帷堂凡有弔祭祔則則徹帷事畢下之以鬼神尚幽闇故也此言帷堂是以上夫婦未嘗亂也

右第三十五章

讀贈曾子曰非古也是再告也

本篇

載糶有子曰非禮也喪

奠脯醢而已

雜記。周禮既遣奠乃讀贈。但來贈之物氣

曾子以為非

古也。藏器筭三盛稷。喪遣奠饌以脯醢而無

黍稷。故遺車亦惟載牲體而無。時人或有之。故有子以

右第三十六章

或問於曾子曰夫既遣而包其餘猶既食而裹其餘與君

子既食則裹其餘乎曾子曰子不見大饗乎夫大饗既饗

卷三牲之俎歸於賓館父母而賓客之所以為哀也子不

見大饗乎

此下夫並音扶。大饗禮畢則卷賓俎三牲黍

豐也禮弓上

卷之三

七

奠似取之貧故以大饗明之言父母至親而喪事即遠且待以賓客此正孝子之所為悲哀也

右第三十七章 雜記

文

仲憲言於曾子曰夏后氏用明器示民無知也殷人用祭器示民有知也周人兼用之示民疑也曾子曰其不然乎其不然乎夫明器鬼器也祭器人器也夫古之人胡為而

死其親乎

仲憲家語作原思民之孝易問請死者有知將有舍生以死死者而民之情又易漸謂死者無

知又將有忘而不祀者此三代時所以隨時補救而示民異道也曾子則謂人之于親愛則以人道事之敬則以神道事之古之用明器亦以神道敬之耳若以為無知是直死其親也古之人豈有是乎○孔氏曰周禮大夫以上兼

用祭器士惟用明器

右第三十八章

曾子曰：喪有疾，食肉飲酒，必有草木之滋焉，以為薑桂之謂也。滋益也。人哀則氣易鬱，薑桂之辛能散之，則所益已多。上三句蓋古語，而曾子釋草木之滋以為必薑桂也。

右第三十九章

曾子曰：小功不稅，則是遠兄弟，終無服也，而可乎？述禮文而疑之。

○鄭曰：限內聞喪則追至服限外否。孔曰：降而在小功者亦追服，餘則否。

右第四十章

曾子與客立於門側，其徒趨而出。曾子曰：爾將何之？曰：吾

父死將出哭於巷曰反哭於爾次曾子北面弔焉其徒鄭曰客之

旅陳謂曾子門人非也彼出哭者為館巷統於會已非客之主且不敢以喪驚長者也爾次徒之室初不干客之正室也北面弔者士喪禮主西面賓門東北面成已之為弔賓即成其徒之為喪主也

右第四十一章

曾子曰朋友之墓有宿草而不哭焉宿草去年之草在期以外故不宜哭

右第四十二章

曾申問於曾子曰哭父母有常聲乎曰中路嬰兒失其母

焉何常聲之有曾申曾子次子字子西無常聲哀痛之至無復音節也鄭曰此亦謂始死時不然并

人猶子之泣大子言其難繼矣

右第四十三章 雜記文

有子與子游立見孺子慕者有子謂子游曰子壹不知夫

喪之踊也予欲去之久矣情在於斯其是也夫子游曰禮

有微情者有以故興物者有直情而徑行者戎狄之道也

禮道則不然人喜則循循斯陶陶斯咏咏斯猶猶斯舞舞

斯蹈矣人悲則慄慄斯戚戚斯歎歎斯辟辟斯踊矣品節

斯斯之謂禮 孔本作舞斯慄慄通吳澄茵城本並刪之今

從劉敞本增猶搖通○孺子慕猶孺子泣但號而不踊也

有子言我常不知喪禮之踊何故久欲除去之今見此人

號泣得情之至果何必踊哉彼猶殺也與猶起也循反覆

禮已禮弓上

卷七之三

七

節以殺其情慮其不及而為之物以興其意要歸中道而已若直肆已情而徑遂行之乃戎狄之道豈先王之禮哉夫人情一有所喜則心適於內和見於貌咏形於口搖動於身如此而不為之品節則樂將無所止故制為手之舞足之蹈以發越之人情一有所悲則心慍於內戚形於貌嘆發於口而哭泣隨之如此而不為之品節則哀亦無所止故制手之拊足之踊以發舒之蓋人情鬱之則滯道之則過惟因其自然之勢而品節之則有以達其情而使之至止此所

謂微情也人死斯惡之矣無能也斯倍之矣是故制絞衾設萎翬為使人勿惡也始死脯醢之奠將行遣而行之既

葬而食之未有見其饗之者也自上世以來未之有舍也

為使人勿倍也故子之所刺於禮者亦非禮之訾也惡去聲

萎柳通絞衾以飾體萎翬以飾棺則人不以其死而惡之始死有脯醢之奠將行有遣奠之禮既葬有虞祔之祭則

人不以其無能而倍之此所謂以故與物也今子刺踊爲
無川而欲去之則祭奠未有見其饗者亦將以爲無用而
去之耶不違禮之意而
妄崇之禮不任過矣

右第四十四章

曾子弔於負夏主人既訖填池推柩而反之降婦人而后
行禮從者曰禮與曾子曰夫祖者且也且讀胡爲其不可

以反宿也從者又問諸子游曰禮與子游曰死於北墉下
沐浴於中甯俛舍於牖下小斂於戶內大斂於阼殯於客
位祖於庭葬於墓所以卽遠也故喪事有進而無退曾子

問之曰多矣乎予出祖者

從去聲填池鄭讀爲奠徹今如
字死於北墉下十字今本逸從

白虎通義引檀弓補。負夏衛地名填池陸佃曰池殯坎也既祖則填之孔叢子埋柩謂之殯殯坎謂之池是也齊稱既祖而遣奠因曾子至徹去遣奠復設祖奠似未然蓋祖奠之時既在庭中婦人位在堂上遣奠則婦人位兩階間今主人既祖而與殯坎因曾子來弔復由庭中反其柩於堂上填坎之地而婦人既在堂上難於行禮乃降此婦人於兩階間以避賓而後受弔若生者將出遇大賓而反者亦事死如生之意而不知喪事之即遠有進無退也從者疑其非禮故問之曾子言明日遣奠乃行今日祖奠未是實行故祖之文從且且行且止則今日且反宿堂上明日遂行何不可乎蓋原其情而不欲顯其失也從者又問子游而子游告以喪事有進無退則其失禮明矣而曾子言我所云出祖者乃多於禮之外乎引以為已言之失而終不欲暴彼舉之非厚之至也孔云多勝也言游所言勝於我亦通

右第四十五章

曾子襲裘而弔子游裼裘而弔曾子指子游而示人曰夫夫也爲習於禮者如之何其裼裘而弔也主人旣小斂祖括髮子游趨而出襲裘帶經而人曾子曰我過矣我過矣夫夫是也。下夫如字。詳見下章。

右第四十六章

衛司徒敬子死子夏弔焉主人未小斂經而往子游弔焉主人旣小斂子游出絰反哭子夏曰聞之也與曰聞諸夫子主人未改服則不絰。敬子公子許之後以官爲氏經環絰也。按天子叩公卿錫衰弔諸侯總衰弔大夫士斂衰首皆弁經諸侯弔卿大夫錫衰同姓之上總衰異姓之士斂衰當事弁經否則皮弁避天子

也諸侯甲異國之臣皮弁錫衰大夫相甲弁絰錫衰士甲服無文喪服記舊註士甲服布上素下或曰素委貌如朝服鄭云羔裘弁冠不也何朝服之有布上素下似之其實則疑衰素裳不疑裳者避諸侯也朋友相為服即士之甲服而加總麻之絰帶庶人不允甲服素委貌賈公彥云庶人不疑衰其甲服白布深衣也孔氏於上章禘裘而甲云是羔裘弁冠緇衣素裳袒云上衣以露禘衣愚按孔子明言羔裘弁冠易之乎游知禮豈有以羔裘弁冠往者當是素衣庶裘也主人成服則大夫士素弁加絰庶人素委貌加絰情義尤重為之免而加絰未成服則但素弁冠或免也朋友成服則總帶而總絰非朋友則素帶而環絰

右第四十七章

公叔木有同母異父之昆弟死問於子游子游曰其大功乎狄儀有同母異父之昆弟死問於子夏子夏曰我未之

前聞也。魯人則為之齊衰三月。秋儀行齊衰。今之齊衰。秋

儀之間也。

木鄭讀朱又讀戊陳本造三月二字。○公叔木

為木也。同母異父之昆弟之服。禮經無文。是無服也。子游以同父昆弟推之而疑為大功。子夏以繼父同居齊衰。期不同。居齊衰三月推之而疑為齊衰三月。不知皆非也。○按家語。邾人有同母異父之昆弟。死。因顏克問於孔子。子曰。同居繼父。則從為之服。不同居繼父。且無服。况其子乎。是聖人固有定論矣。何游夏之不聞耶。魏高堂崇曰。聖人制禮。外親不過緦麻。殊異內外之明理也。外祖父母。以尊加從母。以名加。皆小功。舅緦而已。同母異父兄弟。異族無屬。殊於外家。遠矣。於禮不當有服。即同居。亦當從同。葬。總之。例無緣云。大功。乃重於外祖父母也。張載曰。齊衰三月。高曾正服。無緣加之。異姓。即大功。亦過小功。可也。游酢曰。聖人之教。父子有親。男女有別。尊無二上。故父在而母死。則歷而明。母出則不服。何有於異父之子乎。後世不明。父

母之辨。一統之尊。於是為出母。期而異父之子。亦為之制。

已。掖弓上。

七

服要非禮也。思謂繼父不同居，則繼父且無服，何有於其子？若同財而為我祭，其祖廟則如高堂氏所云從同，爨繼是也。若繼父止此一子而無期，功以上親，則義服小功亦可。

右第四十八章

子夏喪其子而喪其明，曾子弔之曰：「吾聞之也，朋友喪明則哭之。」曾子哭子夏亦哭，曰：「天乎！予之無罪也。」曾子怒曰：「爾女何無罪也？吾與女事夫子於洙泗之間，退而老於西河之上，使西河之民疑女於夫子，爾罪一也。喪爾親，使民未有聞焉，爾罪二也。喪爾明，爾罪三也。」而曰：「爾何無罪？」與子夏投其杖而拜，曰：「吾過矣！吾過矣！吾離羣而索。」

居亦已久矣

喪明之喪去聲餘如字○喪猶哀也哀傷賢則喪明禮居親之喪五十不致毀以哭子而

喪明亦太過矣而子夏不自知故當會子之弔猶呼天而

柩不應置此酷罰也沐刑二水名在魯西河魏地在龍門

華陰之間子夏設教於此魏文侯師之其徒有田子方段

干木之屬疑如陰疑於陽之疑言與之抗行也未有聞言

未有過人處為人稱述索蕭索而無侶也友喪明而弔之

者日與之情謂無罪而怒之者責善之義而子夏即引罪

自責其亦賢矣○鄭樞謂氣象不似子夏當是子哲不知

子夏設教西河後皆猶在否漢王充云子夏失明盧長之

言大抵禮弓多傳聞之語其事初不甚確

右第四十九章

高子皋之執親之喪也泣血句三年未嘗見齒君子以為

州知論語作羔○子皋名矣齊人高侯十世孫史記云齊

人高愈曰始死時泣無聲而血出哀之至也見齒微笑

禮弓上

而齒露也始死極其哀終喪猶不能樂可謂能久矣

右第五十章

成人有其兄死而不為衰者聞子皋將為成宰遂為衰成人曰蠶則績而蟹有匡范則冠而蟬有綏兒則死而子皋為之衰

匡叶窺。成魯孟氏之采邑。匡蟹背殼似匡也。范蜂也。言績者蠶也。而有匡者乃蟹。冠者范也。而有綏者乃蟬。死者其兄也。而為之衰者乃子皋。初不相關而加相為。若有不可解者。然喜而戲之也。朱仲曰。蟹之匡非為蠶蟬之綏。非為范。成人之衰非為兄。讓其服之不誠也。亦通。

右第五十一章

子蒲卒。哭者呼滅。子皋曰。若是野哉。哭者改之。

子皋成人名。滅復可。

名嬰不可名也呼
名以嬰都野甚矣

右第五十二章

季子臯葬其妻犯人之禾申詳以告曰請庚之子臯曰孟
氏不以是罪予朋友不以是棄予以吾為邑長於斯也買
道而葬後難繼也申詳子張子其先顧孫自陸奔魯後以
王父字為氏又轉為申者顧孫二音之
合也庚於時為秋於行為金稼穡之勞於是乎債故凡數
來及受報曰庚此庚之言當債其收入之數也犯人之禾
固有害於民物然特一時之失耳若因此債其所入則似
買道而葬邑宰如斯後將為例豈可繼乎君子不市名於
一時而貽害於後世如此原思辭蒧而子
曰毋亦此義也鄭氏讓其恃寵虐民過矣

右第五十三章

子臬之襲也。繭衣裳與。稅衣纁禘為一。素端一。皮弁一。爵

弁一。乎冕一。曾子曰：不襲婦服。

衣裳連而中有綿着曰繭。稅衣黑色。纁禘以絳帛緣。

其下。繭衣絮故以稅衣表之為第一。稱素端服素衣素裳

為第二。稱皮弁服布衣素裳為第三。稱爵弁服乎衣纁裳

為第四。稱乎冕服亦乎衣纁裳而刺結乃大夫之上服。為

第五。稱公侯貴上服親身大夫士卑上服在外。婦人初嫁

乎衣纁禘此稅衣似之故又

記曾子語明不常以此襲也

右第五十四章

雜記文

子張病召申祥而語之曰：君子曰終，小人曰死。吾今日其

庶幾乎

終者對始之稱。死則斯滅無餘也。君子全而生者其始全而歸者其終。小人則與草木同朽一死即

無餘矣。子張蓋

有以自信也。

右第五十五章

子張死曾子有母之喪齊衰而往哭之或曰齊衰不以弔

曾子曰我弔也與哉

以友誼至重不容不往哭而又不可釋服而往故但往哭而不行弔禮

記所云哭之則服其服而往也

右第五十六章

子張之喪公明儀為志焉褚幕丹質蟻結於四隅殷士也

公明儀子張弟子後又師曾子禮士葬無褚儀尊其師故特以丹質之布為褚而但為幕形於四隅也蚘蟻往來交結之狀此殷士之葬飾以別於君大夫之褚蟻示不敢僭也。按非天子不議禮而聖賢或從夏或從殷不必盡合於周蓋禮乃天理之節文必文與情會義與時宜也然則周公暨二代而損益而猶必使其後人脩其禮物作賓於

爾言
王家孔子從周而猶必說夏學殷惜杞宋之無徵而皇皇
於參互考訂正至虛之心大公之道也夫豈焚詩書銷樂
器改策文者
可同語哉

右第五十七章

曾子寢疾病樂正子春坐於牀下曾元曾申坐於足童子
隅坐而執燭童子曰華而脫大夫之簣與子春曰止曾子
聞之瞿然曰呼曰華而脫大夫之簣與曾子曰然斯季孫
之賜也我未之能易也元起易簣曾元曰夫子之病革矣
不可以變幸而至於旦請敬易之曾子曰爾之愛我也不
如彼君子之愛人也以德細人之愛人也以姑息吾何求

哉吾得正而斃焉斯已矣舉扶而易之反席未安而沒申
或作華晚徐作刮。病疾之甚也。子春會于弟子无申皆
會子子也。晚孫炎云漆也。孔云好貌。蓋華言其飾。晚言其
光也。爾雅贊謂之第。郭璞云牀版。邢昺云齊魯謂之贊。陳
鄭謂之第。蓋牀上有贊。贊上有席。贊大席小。故見其華。晚
陳訓即席板也。止者恐驚動曾子。此之勿言。懼驚而張目
呼。請問之聲。華或同變動也。姑息婦女之愛。鄭謂苟且安
息亦通。易贊而歿斃於正矣。朱子曰。易贊結纓未須論
優劣。且看古人謹於禮法。不以生死易所守。便使人有行
一不義殺一不辜而得天下弗為之心。又曰。季孫之賜曾
子之受皆非禮。或是因仍舊俗。但及扶華之時。一聞人言
而必舉扶以易。則非大賢不能。愚謂非禮不可一刻居。豈
有固仍習俗姑且用之積年積月至此始改耶。若非童子
一問曾子不終身非禮乎。考之於禮。贊不聞有君卿
大夫士之等。只過於華美。不如質素之為可安耳。

右第五十八章

曾子之喪浴於爨室士喪禮當浴於適室言爨室非也。鄭云曾子見曾元之辭易簣故矯之以謙儉陳云曾子反席未安而歿固未有遺命即有之人子忍以賤事親乎愚謂禮者中而已矣上踰下替均非禮也曾子知質之必當易即知爨室之必不可浴謂曾子有意矯之非也且死於此室即浴於此室之屋漏飯於此室之牖下小斂畢乃出室戶曾子寢疾未於爨室安有舉尸出浴於他室者檀弓多傳闕此亦不足信

右第五十九章

有若之喪悼公弔焉子游攬由左悼公魯哀公子名寧是時有若以魯公族為大夫

指導君也凡君適臣升降自阼臣不敢有其室也故子游導君而由左若以賓道待君則反與君為敵而非國統

於君之義矣

右第六十章

泄柳之母死相者由左泄柳死其徒由右相由右相泄柳之徒爲之也。泄柳魯人由左以右尊賓也其徒由右失尊賓之意矣。陳澧曰詔辭由右以尊君命也。非是則相皆宜由左。

右第六十一章

雜記文

曾子曰小功不爲位也者是委巷之禮也子思之哭嫂也

爲位婦人倡踊申祥之哭言思也亦然

委巷巷之小面曲者言其所居僻陋

未嘗習見禮儀也子思孔子孫皇侃謂此乃原意未知何據言思子游子申祥妻之兄弟也叔爲嫂無服而妻爲嫂似有服夫爲妻之兄弟無服而妻爲其昆弟有服故皆爲妻之有服者爲主妻先倡而夫但隨之以踊也禮婦如小功報女子適人昆弟降大功報記者見當時于此二者不爲位故先述曾子語而復記兩賢事以贊之見禮當然也

右第六十二章

曾子謂子思曰。扱吾執親之喪也。水漿不入於口者七日。子思曰。先王之制禮也。過之者俯而就之。不至焉者跂而及之。故君子之執親之喪也。水漿不入於口者三日。杖而后能起。三日不食。中制也。七日則幾於滅性。殆賢者之過身。

右第六十三章

樂正子春之母死。五日而不食。曰。吾悔之。自吾母而不得吾情。吾惡乎用吾情。惡平聲。五日不食。於禮已過。而春常師曾子。親見其七日不食。故猶歎已之未盡其情也。○恩於此而益見先王之禮之善也。賢者之為衆人之師也。曾子七日而子春以五日為未盡其

歸矣。此以往不至滅性乎。故夫先王之禮賢者之所俯而就也。惟俯而就乃為可繼。為可傳也。舊說悔其矯詐不誠恐未確。

右第六十四章

子思之母死於衛。赴於子思。子思哭於廟門。人至曰：庶氏之母死，何為哭於孔氏之廟乎？子思曰：吾過矣。吾過矣。遂哭於他室。鄭氏曰：伯魚卒，其妻嫁於衛之庶氏。禮切出則與廟絕，故不得哭於廟。

右第六十五章

子思之母死於衛。柳若謂子思曰：子聖人之後也。四方於子乎？觀禮子蓋慎。諸子思曰：吾何慎哉？吾聞之有其禮無

其財君子弗行也。有其禮，有其財，無其時，君子弗行也。吾
何慎哉？柳若衛人禮謂貴賤品節，不得不可為悅，無財則非其時也。禮為嫁母齊衰期，贈襚不踰主人為庶氏母則主喪者庶氏非子思所能為，而其辭有難顯言，故但反覆其詞以自慨也。昔為孔氏母，今為庶氏母，有子如子思亦無如之何矣。故婦人貴從一而終。

右第六十六章

子思曰：喪三日而殯，凡附於身者必誠必信，勿之有悔焉耳矣。三月而葬，凡附於棺者必誠必信，勿之有悔焉耳矣。喪三年以為極，亡則弗之忘矣。故君子有終身之憂而無一朝之患，故忌日不樂。鄭以極亡絕句，今從王肅。誠盡其心而無欺信，循乎理而不違，憂

未有可悔而防之患則雖悔之而已無可如何也始死曰死既葬曰亡言喪之禮於始死時殯而附身若襲斂衣衾之具葬而附棺若茵抗明器之類皆極其誠敬而無一事之可悔似亦可矣至既葬而亡喪猶必以三年為極者蓋亡猶弗之忘其誠信不止三日三月已也且君子之孝又豈三年已哉所憂在於終身乃能無一日之患不然偶一不謹患卽隨之雖悔豈有及哉又言君子之忌日不樂亦此義也。忌日不飲酒不食肉不御內不與他事故曰終身之喪餘

詳大記

右第六十七章

子上之母死而不喪門人問諸子思曰昔者子之先君子喪出母乎曰然子之不使白也喪之何也子思曰昔者吾先君子無所失道道隆則從而隆道污則從而污及則安

能為伋也妻者是為白也母不為伋也妻者是不為白也

母故孔氏之不喪出母自子思始也君子謂孔氏先世喪

出母使其子喪之也隆污猶言升降言惟聖人與道為體

道所當隆因而隆之道所當降因而降之我則不能但隆

以義而已○徐乾學曰言不喪出母自子思始是子思前

未有不喪出母者檀弓凡言始皆變禮之失此亦微文示

譏耳愚按子思於出母其神傷於出妻其詞厲此為子為

夫之別也夫於妻有絕道子於母無絕道聖人制禮出妻

之子為母期夫亦知子之心必有不忍故也夫子寬仁故

使子喪之子思嚴毅故不使白喪之於是見聖賢氣象之

別而玩子思語意亦似其妻罪大也然則人子處此將如
何父歿則喪之父在則聽命於父焉爾又按孔門三代出
妻事之有無雖不可必然亦可見古人夫綱之肅內治之
嚴婦人事夫比於君父家道之成此義著也自出妻之法
不行而強妻悍婦遂敢抗衡其夫甚至淫妒橫行喪家絕
嗣而莫可制皆由此義之不講故也然則說禮者何者以

出妻爲孔氏諱哉程子曰世俗以出妻爲醜行隱忍不敢發不知纓偷身便到別家妻不善便當去也或問古出妻有坐對姑叱狗蒸梨不熟者似非大惡程子曰此古人心厚之道也不忍以大惡出之使以殺罪去古語日出妻令可嫁絕女使可交是也

右第六十八章

穆公問於子思曰爲舊君反服古與子思曰古之君子進人以禮退人以禮故有舊君反服之禮也今之君子進人若將加諸膝退人若將隊諸淵毋爲戎首不亦善乎又何反服之禮之有穆一作穆。穆公元公嘉子悼公之孫名顯一名不衍卽顯雙聲也戎首亂首也。謝枋得曰臣無仇君之義服之可也陳祥道曰義生於情之所及不生於情所不及禮生於義之所加不生於義所

禮記卷之二十九
三
不加因情以起義因義以制禮然則舊君之服與不服亦
視其情義何如耳此章與孟子告齊宣王略相似亦以
暴君之虐使其臣者耳若君子
之自處固不容如其薄也

右第六十九章

禮記卷之二十九終

禮記卷七之三

任啓運章句

檀弓下

孔本第四兩本第十
七今定為第二十七

舜葬於蒼梧之野蓋三妃未之從也季武子曰周公蓋附

舜在位四十九年居於鳴條五十年卒於鳴條蒼梧鳴條
山名在今海州呂覽路史皆謂舜葬於紀是也鄭以為南
越地非三妃長皇娥次女英次癸比季武子魯大夫名宿
又名夙季友生齊仲齊仲生無逸無逸生文子行父行父
生宿附合葬也此記
古今分葬合葬之異

右第一章

有虞氏瓦棺夏后氏塗周殷人棺槨周人牆置斂

聖古作
卽○上

古衣之以素槨之中野有虞氏制為瓦棺班固曰夏后卽
木以相周無膠漆之用殷人棺槨又加膠漆也或曰夏氏

檀弓下

燒土為凶而周於容棺之次腹於棺之外又菽木而為之
梓周又加棺與槨以飾棺如是乃畫於人心也○羅頤言
軒輅制棺
與此異 周人以殷人之棺梓葬長殯以夏后氏之槨周

葬中殯下殯以有虞氏之瓦棺葬無服之殯無服之殯七月以下者生

未三月不成殯餘詳雜記
○此章記古今棺槨之異

右第二章

夏后氏尚黑大事斂用昏戎事乘騶牲用皂殷人尚白大

事斂用日中戎事乘翰牲用白周人尚赤大事斂用日出

戎事乘騶牲用騂翰一作鞫○陳澧曰夏治木故尚黑

從金所克而尚赤赤火色也大事謂喪事或曰國之大事
在祀與戎通三者而言亦通日昏則黑中則白始出則赤

馬黑曰騶白曰翰赤馬黑鬃白腹曰騶此明三代敘之早晚而兼及其所向之異也

右第三章

子張問曰書云高宗三年不言言乃讖有諸仲尼曰胡為其不然也古者天子崩王世子聽於冢宰三年○讖書作雍

富理而人喜悅之此即論語所記而文少異耳然言百官聽於冢宰則可世子聽於冢宰不可

右第四章

掘中鬻而浴毀龜以綴足及葬毀宗躐行出於大門啟道

也學者行之

案語躐作躐○於室中掘坎以尸牀架坎上而浴令浴汁入坎不用盤也毀龜之雙以綴

足不用燕几也宗廟也行神之壇在廟門之西凡出既祭行神即從壇上而出請之躐棺殯於廟故其出也毀廟門

夏弓下

西邊而出於大門行神之位與周之奉柩朝廟出於正門亦異也掘中雷毀竈毀宗皆示既死不復有事於此之意○按衛司徒敬子之喪孔子相焉其禮如此而後季者遂因而行之以禮事尚質故也

右第五章

太公封於營丘比及五世皆反葬於周君子曰樂樂其所

自生禮不忘其本古之人有言曰狐死正首仁也太公姜姓

呂氏名尚武王時為師號尚父成王三年滅蒲姑乃以其地封尚為齊侯都營丘就國三年復入相王室子伋嗣康王六年薨於周遂雷葬焉五世丁公伋乙公得瘠公慈母哀公不臣及弟胡公靖獻公山武公壽也五世親盡乃止禮樂皆有反本之意故仁者禮樂之實也齊不忘本深有得於禮樂之意丘狐所穴死則正首向之以為不忘本之喻○顧炎武曰水經註淄水下有胡公陵是未嘗反葬也愚謂哀公已足五世之數胡公雖哀公弟不反葬矣

右第六章

齊穀王姬之喪魯莊公為之大功或曰由魯嫁故為之服

姊妹之服或曰外祖母也故為之服

穀當作告音之誤也王姬周女魯莊公

元年嫁於齊為襄公夫人二年卒禮天子不主諸侯之昏使同姓諸侯主之莊公名同以由魯嫁故親之而為之服姊妹之大功舉公莊公具或言外祖母非禮外祖母小功言服大功尤非○按禮天子女嫁諸侯無服嫁二王後大功諸侯女嫁士大夫無服嫁諸侯大功吳澄曰主昏不宜有服故春秋書王姬卒以見譏也謂天子既無服矣而天子使魯主之則義服大功可也

右第七章

魯莊公及宋人戰於乘丘縣賁父御小國為右馬驚敗績

公隊佐車投綏公曰未之卜也縣責父曰他日不敗績而
 今敗績是無勇也遂死之用人浴馬有流矢在白肉公曰
 非其罪也遂誅之士之有誅自此始也責音奔陸德明作
馬驚敗無績字一
 本并無驚字末作未○莊公十年魯敗齊師宋師於乘丘
 縣卜皆氏也馬中流矢故驚而車敗公隊而剛車投公以
 綏遂載之公言御戎必卜我未之卜宜有此敗實之責以
 責之責父恥其無勇以死赴敵故魯終勝也舊謂未之言
 無勇不責縣而責卜故責其輕以愧其重愚謂君無呼臣
 以氏者其說迂曲恐非孔謂士有諡自此始恐謂因用人
 浴馬見有流矢在股間白肉知馬驚非責父之罪死敵實
 責父之勇哀其死而述其勇以誅之也諡者必有誅誅者
 不必
 論

右第八章

魯莊公之喪既葬而經不入庫門士大夫既卒哭麻不入

禮諸侯弁經葛而葬葬已仍麻經既虞卒哭受齊衰易葛

要經莊公幾于般秋閏公方八歲而立十月始葬莊公反

至庫門即除凶服以吉服嗣位士大夫因公吉服不與虞

與卒哭之祭故既卒哭遂皆除之非禮甚矣○按天子諸

侯之禮即位有既始死正嗣子之位書御王册命諸侯奉圭兼幣

宅宗是也既殯正繼體之位書御王册命諸侯奉圭兼幣

是也踰年正改元之位春秋書公即位釋例云改元正位

百官以序是也三年喪畢正踐祚之位虞書舜格於文祖

是也始死猶未變服三年已經除服其以吉服見可知正

繼體之禮書言王麻冕緇裳絜臣麻冕蟻裳入即位禮畢

釋冕反喪服節次甚明則正改元之禮其以冕服可也但

踰年改元有當殯者有將練者妻當酌時之久近準繼體

之禮以稱情立文耳朱子謂天子諸侯與士庶不同孟子

言諸侯之禮吾未之學正為此等蔡沈書傳不折衷朱子

而取蘇氏之說謬也其辨詳書傳中武王十二月崩成王

元年王即位此時必大段同繼體禮特未必參祭服耳夏

禮記檀弓下 卷七之三 四

六月葬武王於畢。秋，王加元服，其祝辭有心，是袞職之文。傳曰：公冠成王以朝於廟，而見諸侯，則既葬後，即用袞服。以見諸侯而改元，可知也。魯莊公以八月葬，明年六月始葬。因公以亂故，未得行卽位之禮，則既葬而以吉服卽位，亦得禮之變。但未入庫門，則猶未反哭，未虞已為非禮。而併因是卽吉，不反喪服，非禮尤甚。意者慶父謀亂，不君其君，故使君與大夫士皆廢三年之喪，毀。

右第九章

晉獻公將殺其世子申生，公子重耳謂之曰：子蓋言子之志於公乎？世子曰：不可。君安驪姬，是我傷公之心也。曰：然則蓋行乎？世子曰：不可。君謂我欲弑君也。天下豈有無父之國哉？吾何行如之？使人辭於狐突曰：申生有罪，不念伯

氏之言也。以至於死，申生不敢愛其死。雖然，晉君老矣，子少，國家多難，伯氏不出而圖吾君，伯氏苟出而圖吾君，申生受賜而死，再拜稽首，乃卒。是以爲恭世子也。蓋當作克，驪一作耀。

麗少難並去聲恭亦作共。獻公名說諸武公稱子莊伯。驪孫殺申生事詳左傳。重耳申生異母弟後爲文公。狐氏突名伯字亦姬姓。唐叔之後爲申生傅。初獻公使申生伐東山臯落氏，突勸之行。申生不從，突遂稱疾不出。至是乃念其言也。申生縊於新城。惠公卽位，諡之曰恭。恭者順命之義。○徐揚貢曰：驪姬妖孽，獻公迷惑，申生不敢言，不忍言。一安字盡之。湯三才曰：申生進不能自明，退不能達，難先儒責其陷親不義，不得爲孝。然臨死倦倦宗社，其志不可悲乎。倘惜其不學，知經而不知權耳。

右第十章

晉獻公之喪，秦穆公使人弔公子重耳，且曰：寡人聞之，亡國恒於斯，得國恒於斯。雖吾子，嚴然在憂服之中，喪亦不可久也。時亦不可失也。孺子其圖之。以告舅犯，舅犯曰：孺子其辭焉。喪人無寶，仁親以爲寶。父死之謂何？又因以爲利而天下其孰能說之？孺子其辭焉。公子重耳對客曰：君惠弔，臣重耳，身喪父死，不得與於哭泣之哀，以爲君憂。父死之謂何？或敢有他志，以辱君義，稽顙而不拜，哭而起，而不私子，顯以致命於穆公。穆公曰：仁夫公子重耳！夫稽顙而不拜，則未爲後也。故不成拜，哭而起，則愛父也。起

而不私則遠利也

嚴或作儼喪去祭頭鄭作經○獻公卒在魯僖公九年事詳左傳國語穆公獻

公婿名任好時重耳避難在狄故使人弔之且勸其歸也
國二句蓋古語穆公述之見代起必在死生之際嚴然
哀戚貌喪失位去國也說謂解其無罪或曰喜也他志反
國貪位之志君義惠弔之義子顯公于禁字積類以自盡
其哀厚乃以謝資稱類而拜謂之成拜為
後者之禮也今重耳未為後故不成拜也

右第十一章

宋襄公葬其夫人醯醢百甕曾子曰既曰明器矣而又實

之棄公名茲父此夫人必初娶者非周襄王姊也孔曰夏
用明器分半實之殷用祭器分半虛之周兼二器祭器
實之明器虛之按大夫以上具二器士無祭器半實明器
宋用殷禮本無明器而分半虛之即明器之意也今盡實
之則致生之而不

知故曾子譏之

賣弓下

右第十二章

仲遂卒於垂壬午猶釋萬入去籥仲尼曰非禮也卿卒不

釋仲字遂名莊公子別為東門氏諡襄時為魯卿垂齊地
宣公八年使於齊六月辛巳有事於太廟釋者正祭之
明日復祭以賓尸也萬舞之總名有文有武武用干戚文
用羽籥而羽舞無聲籥舞有聲故萬入而去籥使無聲也
胡安國曰禮大夫卒當祭不告所以盡肅敬之心於祖宗
終事而開則明日不釋所以全始終之恩於臣子今仲遂
國卿也卒而猶釋則失寵遇大臣之禮也○陳埴曰當祭
而卿卒則去樂明日不釋故叔弓卒昭公去樂卒事君子
以為禮仲遂卒宣公猶
釋去籥聖人以為非禮

右第十三章

諸侯伐秦曹桓公卒於會諸侯請含使之襲

事在魯成公十三年左作

宣公名厲言桓悞也禮襲以商祝舍以資王崩而諸侯請築明臣職也曹使諸侯襲非禮也

右第十四章

邾婁定公之喪徐君使容居來弔舍曰寡君使容居坐舍

進侯玉其使容居以念有司曰諸侯之來辱敝邑者易則

易于則于易于雜者未之有也容居對曰容居聞之事君

不敢忘其君亦不敢遺其祖昔我先君駒王西討濟於河

無所不用斯言也容居魯人也不敢忘其祖定鄭云或作考非易音異

于迂通○婁邾人自呼之餘聲定公當魯文宣時若考公

則應公益之會孫徐滅久矣坐跪也徐自疑天子故稱定公為侯氏死之明日即舍襲而遠國有來舍襲者孔曰致

使大夫來則禮節易諸侯自來則禮近繁今容居大夫而行諸侯禮則易于雜矣容居言我受命於君以來我先王久以天子禮自居則我固當以諸侯禮自處容居魯地不敢忘我君之命以天子禮尤不敢忘祖之世以天子自處也見徐之久而借

右第十五章

此章義疑姑仍舊說

襄公朝於荆康王卒荆人曰必請襲魯人曰非禮也荆人

強之亟先拂概荆人悔之

襄公魯君名午康王楚君名昭不曰楚而曰荆以州舉歸之也

胡荆在襄公二十八年魯人知請襲乃諸侯事天子之禮欲却之而不能反加以君臨臣喪之禮陳謂得權變之宜是以雪恥惡謂魯以周公之後不能自強至於朝楚以非禮見辱又不能止而為權請以欺之抑末矣

右第十六章

衛有太史曰柳莊廢疾公曰若疾革雖當祭必告公再拜稽首請於尸曰有臣柳莊也者非寡人之臣社稷之臣也

聞之死請往不釋服而往遂以禭之與之邑裘氏與縣潘

氏書而納諸棺曰世世萬子孫毋變也

太史官名柳莊之卒富在魯襄公二

十七八年公獻公名衎此雖若稱尊賢之意然棄祭事而不終以侯服禭大夫書也券而納諸棺皆非禮也三失之

中廢祭為大孔曰祭是年冕服故可以禭大夫初衛獻公出奔反於衛及郊將班

邑於從者而后入柳莊曰如皆守社稷則執執焉約而從

如皆從則孰守社稷君反其國而有私也毋乃不可乎弗

果班此記公所以稱柳莊為社稷臣之故獻公以魯襄公十四年奔齊二十六年反國賜以歸馬約以控馬莊

時從亡於外公欲班邑以賞從亡之功莊不負已之勞幸
 賞之及而三居者行者均之為國不可有私忘已如此誠
 社稷臣也夫公以蔑冢卿而出奔入又殺寤辜亡于齊豈
 真知所謂社稷臣哉然則公之厚之未必無私而莊要可
 謂賢矣

右第十七章

滕成公之喪使子叔敬叔弔進書子服惠伯為介及郊為

懿伯之忌不入惠伯曰政也不可以叔父之私不將公事

遂入成公名原卒在魯昭公三年子叔氏敬諡叔字名功

子之孫孝伯之子懿伯惠伯叔父劉謂及郊適遇懿伯之

忌辰敬叔欲惠伯得申其情緩至次日蓋忌者喪之餘禮

居喪不弔也而惠伯言時叔父之私喪耳豈可以此廢公

事乎故遂入而弔也孔謂敬叔常殺懿伯恐惠伯殺已故

不敢入二說皆無考而劉爲長蓋居同國
出同使若恐其殺已豈止防此一日哉

右第十八章

知悼子卒未葬平公飲酒師曠李調侍鼓鐘杜蕢自外來
聞鐘聲曰安在曰在寢杜蕢入寢歷階而升酌曰曠飲斯
又酌曰調飲斯又酌堂上北面坐飲之降趨而出平公呼
而進之曰蕢曠者爾心或閔予是以不與爾言爾飲曠何
也曰子卯不樂知悼子在堂斯其爲子卯也大矣曠也大
師也不以詔是以飲之也爾飲調何也曰調也君之喪臣
也爲一飲一食忘君之疾是以飲之也爾飲何也曰蕢也

宰夫也非刀匕是供又敢與知防是以飲之也平公曰寡人亦有過焉酌而飲寡人杜蕢洗而揚觶公謂侍者曰如我死則必無廢斯爵也至於今既畢獻斯揚解謂之杜舉杜蕢左傳作屠蒯○知悼子晉大夫荀盈晉平公名彪禮卿大夫卒比葬不食肉比卒哭不舉樂悼子在殯而飲酒鼓鐘非禮甚矣夫桀紂異代之君而紂以甲子死桀以乙卯亡後世尚以二日為疾日而不舉樂况悼子親為股肱之臣其為疾日尤大乎蕢但謂購與調之廢職已之侵官而公之自亡其疾不自知防其失自見故公亦遂引為已過而受罰也記者又言今晉國燕畢揚解猶謂之杜舉則蕢一言而作戒者遠矣

右第十九章

公叔文子卒其子戍請諡於君曰日月有時將葬矣請所

以易其名者君曰昔者衛國凶饑夫子為粥與國之餓者

是不亦惠乎昔者衛國有難夫子以其死衛真人不亦貞

乎夫子聽衛國之政修其班制以與四鄰交衛國之社稷

不辱不亦文乎故謂夫子貞惠文子公叔文子衛大夫廟公之孫成子當之子

名按又名發論語註作枝悞也君靈公元也禮大夫三月而葬將葬子請諡君親定之使太史往賜之小史誅之有

難謂魯昭公二十五年齊豹殺孟縶公如死鳥時也班謂

等列之上下制謂禮幣之多寡修因舊典而振舉之也諡

法愛民好與曰惠外內用禱曰貞博聞道德曰文論事則

惠為先論義則貞為大而文之一字尤足以該之故數其

貞惠文而後專以文諡也按古無二諡周末威烈王貞觀

時公于荆字南楚以肩受矢所稱以其死衛寡人者

子荆也或同時論荆為貞子而傳聞之誤并屬之數

右第二十章

季孫之母死哀公弔焉。曾子與子貢弔焉。闈人爲君在弗
 內也。曾子與子貢入於其廐而修容焉。子貢先入。闈人曰
 鄉者已告矣。曾子後入。闈人辟之。涉內。靈。卿大夫皆辟位
 公降一等而揖之。君子言之曰。盡飾之道斯其行者遠矣。

內納通鄉音向辟上闈通下避通。○季孫疑康子內靈門
 屋後簋君在闈中爲國之主故弔大夫亦居東序之端而
 卿大夫皆楹西北面東上。二子之升當自西階故卿大夫
 避位以讓之升而君降一等揖之以賓禮待之也。二子修
 容以君在而加慎。卿大夫避位君降揖以其賢而致敬皆
 禮也。夫豈以見拒而脩容見容而驚禮哉。記者之言亦聊
 以寄慨。

云爾

右第二十一章

孺子贛之喪哀公欲設撥問於有若有若曰其可也君之

三臣猶設之顏柳曰天子龍輅而棹檣諸侯駟而設纒為

榆沈故設撥三臣者廢輅而設撥竊禮之不中者也而君

何學焉輅一作鑰音本又音湍沈一作藩中去聲○贛哀公少子撥所以酒榆沈者鄭謂即紉非是張自烈

謂以手酒之亦非龍輅棹檣詳大記雜記榆沈取榆白皮

浸之以其外酒地使車滑而易行天子及諸侯之棺重故

用輅車而酒榆沈故有撥大夫之棺稍輕故雖用輅車而

不酒榆沈則無所用撥今三家喜國車之輕捷而廢輅車

是不用其所當用而輒設撥以僭天子諸侯是又用其所

不必用徒有竊禮之名又無通用之實是僭禮中之最無

為者也焉不比成人故葬不用輅而設此無用之撥何哉

右第二十二章

悼公之母死哀公爲之齊衰有若曰爲妾齊衰禮與公曰

吾得已乎哉魯人以妻我

禮大夫貴妾總天子諸侯爲妻齊衰期妾無服以妻我言人以

爲我妻也此溺情而飾過之辭

右第二十三章

哀公使人弔賁尚過諸道辟於路盡宮而受弔焉曾子曰

賁尚不如杞梁之妻之知禮也齊莊公襲莒於奪杞梁死

焉其妻迎其柩於路而哭之哀莊公使人弔之對曰君之

臣不免於罪則將肆諸市朝而妻妾執君之臣免於罪則

有先人之敝廬在君無所辱命也。奪當作隧或作兌皆音轉也。○黃尚魯士遇柩於路者然民可弔於途士必當弔於室故曾子舉柩梁妻事以正之魯襄公二十三年齊侯築菑柩梁與華周載甲夜入且於隧柩梁死故其妻迎柩而齊侯弔之梁妻知禮不受弔於路齊侯乃弔諸室也。○傳謂梁妻哭大城爲之崩執喪三年畢赴淄水死其輓死傷身與梁略同妻亦烈矣。

右第二十四章

戰於郎公叔禹人遇負杖入保者息曰使之雖病也任之雖重也君子不能爲謀也士弗能死也不可我則既言矣與其鄰童汪錡往皆死焉魯人欲勿殤童汪錡問於仲尼仲尼曰能執干戈以衛社稷雖欲勿殤也不亦可乎。左傳戰於

知非即地亦傳悞也。禹人作務人鄰童汪錡作雙僮汪錡
○哀公十一年春齊國書帥師伐魯魯人昭公子公爲也
小城曰保或曰守也見入保者負杖息於途知其有困憊
之形無忠勇之志因嘆役重民疲至此已極然苟上下協
心猶可一戰今上不能謀下不能死其可乎我既言之必
當踐之遂與錡赴關借死魯人以錡有成人之節欲不以
錡禮葬而孔子許之所以善忠義而勸親長之心也

右第二十五章

悼公之喪季昭子問於孟敬子曰爲君何食敬子曰食粥
天下之達禮也吾三臣者之不能居公室也四方莫不聞
之矣勉而爲瘠則吾能毋乃使人疑夫不以情居瘠者乎
哉我則食食

昭子康子曾孫名強敬子武伯子名捷居猶安也言我三家無君四方知之今食粥而爲

擢我豈不能然人且以不情疑我我則食飯耳其意蓋果
憤季氏之不臣而其言之蔑禮抑甚矣宜曾子以出辭厲
斯遠鄙倍
為戒歟

右第二十六章

穆公之母卒使人問於曾子曰如之何對曰申也聞諸申
之父曰哭泣之哀齊斬之情儻粥之食自天子達布幕衛
也繆幕魯也餽一作任幕或作葬幣繆或作綳綳同。墓
帛也哀必自致故哭泣三者同禮有異俗故
布終之幕異大約衛侯禮而魯多幣也。朱子曰孟
子告滕文公亦只說哭泣三者此是大本大原處

右第二十七章

陳莊子死赴於魯魯人欲勿哭穆公召縣子而問焉縣子

曰古之大夫束修之問不出竟雖欲哭之安得而哭之今
 之大夫交政於中國雖欲弗哭焉得而弗哭且臣聞之喪
 有二道有愛而哭之有畏而哭之公曰然然則如之何而

可縣子曰請哭諸異姓之廟於是與哭諸縣氏莊子齊大
夫名伯成

子桓之孫襄子班之子縣子魯大夫名瑣古者人臣義無

私交雖束修之微不以出境情不及者禮自不及也自大

夫專主會盟常與國若交禮生既相接死安能相絕乎又

言哭有出於愛者情所自生有出於畏者勢不容已今齊

強魯弱陳氏又專齊政能勿以畏而哭乎公於是與大夫

哭於縣氏之廟蓋以異姓外臣必以異姓大夫為主徐師

會曰亦以此禮

自縣子起也

右第二十八章

以上皆記諸侯之變禮

石駘仲卒無適子有庶子六人卜所以爲後者曰沐浴佩玉則兆五人者皆沐浴佩玉石祁子曰孰有執親之喪而沐浴佩玉者乎不沐浴佩玉石祁子兆衛人以龜爲有知也兆求其吉故謂吉爲兆沐浴佩玉則兆卜人之辭說法治典不殺曰祁祁子衛懿公時爲大夫不苟從非禮以求吉兆有愛親之心無慕位之意其記賢之也

右第二十九章

孟獻子禫縣而不樂比御而不入夫子曰獻子加於人一等矣懸鐘磬之器而猶不作比次當御之婦人而猶不入於禮故以爲問而夫子答之見此爲人情所難未可輕議也

禮記

檀弓下



卷七之三

古

右第三十章

孟獻子之喪司徒旅歸四布夫子曰可也

大夫有家宰家司馬家司徒諸

侯以司徒兼冢宰家臣以司徒兼司空嫌故相變也旅孔曰司徒之屬或曰徧也藏曰泉行曰布送終既畢所餘賻布徧歸還之亦君子不家於喪之意故曰可

右第三十一章

季武子成寢杜氏之葬在西階之下請合葬焉許之入宮

而不敢哭武子曰合葬非古也自周公以來未之有改也

吾許其大而不許其細何居命之哭

居鄭讀其音基孫鑄曰如字。何居言於

義何處也劉彘曰成寢而夷人之墓不仁也許其合而命之哭特矯僞以文過耳湯三才曰杜氏請合而不敢哭豈

所欲哉畏之不得已也劉彝曰然終不若改墓之為安也

右第三十二章

季武子寢疾蟻固不說齊衰而入見曰斯道也將亾矣士

唯公門說齊衰武子曰不亦善乎君子表微及其喪也會

點倚其門而歌蟻氏固名魯上表微謂隱微之禮人所未悉唯君子能著之蓋心實憾焉而口譽之

也武子卒在昭公七年孔子方十七歲則會皆止六七歲

未必有倚門而歌之事後人以曾狂而托之耳飾欣謂別一會點則節世子巫奔魯不三

右第三十三章

穆伯之喪敬姜晝哭文伯之喪晝夜哭孔子曰知禮矣伯

魯大夫季悼子紇之子平子意如之弟名靖字公甫文伯名歎以父字為氏別子始分也禮身婦不夜哭陳滯曰哭夫以禮哭子以情皆中節矣故夫子美之帷殯非古也自敬姜之哭穆伯始也朝夕哭殯必牽起其帷以致親愛之意敬姜不然敬以事夫欲成其令德也他人學之而凡殯皆帷昧於禮矣

右第三十四章

文伯之喪敬姜據其牀而不哭曰昔者吾有斯子也吾以將為賢人也吾未嘗以就公室今及其死也朋友諸臣未有出涕者而內人皆行哭失聲斯子也必多曠於禮矣夫上晝夜哭言其常此據牀不哭則知其失而嘆恨時也季氏魯之宗卿故敬姜有就公室而會見之禮曠於禮若國策所云於婦人厚必於長者薄也方苞曰公室外寢也禮將適公所居外寢喪服既練居外寢姜信子賢謂無惑焉

之私但依常禮未嘗使居外寢以過防之

右第三十五章

延陵季子適齊於其反也其長子死葬於贏博之間孔子曰延陵季子吳之習於禮者也往而觀其葬焉其坎深不

至於泉其斂以時服既葬而封廣輪掩坎其高可隱也既封左袒右還其封且號者三曰骨肉歸復於土命也若魂

氣則無不之也無不之也而遂行孔子曰延陵季子之於禮也其合矣乎

還旋同號平聲○延陵吳地卽今常州吳公子札諱國而居此故人稱曰延陵季子適齊卽魯昭公二十七年聘於上國時事贏博齊二邑名今博平縣地不至於泉淺深之宜也東西曰廣南北曰輪

手憑之曰陽其廣輪不過掩坎其高不過手憑高卑大小
 之宜也右遠陰之運三遠陽之數陳澧曰骨肉歸於土陰
 之降此精氣為物之有盡魂無不之者陽之升此游魂為
 變之無方也再言無不之悲傷離訣若望其魂之隨已以
 歸者然季子不惟得旅葬之宜且通幽明之故故夫子稱
 之然不直為訣辭者季子乃隨時處中之道非禮之常不
 可據為典要也○吳澄曰右遠且號者三記圍繞之數
 非哭之聲數王介甫議為哀不足乃老莊之徒過矣

右第三十六章

陽門之介夫死司城子罕入而哭之哀晉人之覘宋者反
 報於晉侯曰陽門之介夫死而子罕哭之哀而民說殆不
 可伐也孔子聞之曰善哉覘國乎詩云凡民有喪扶服救
 之雖微晉而已天下其孰能當之

扶服詩作匍匐○陽門
 宋國門介夫甲士也宋

以武公諱改司空為司城子罕樂氏戴公之後東鄉克之
孫西鄉上曹之子名喜規竊視也知民悅為守國之要可
謂知本故天子稱之詩邶谷風之篇扶服手足並行救之
急也微非也言非特晉不敢伐即天下莫能敵之甚言得
民之要也

右第三十七章

公儀仲子之喪檀弓免焉仲子舍其孫而立其子檀弓曰
何居我未之前聞也趨而就子服伯子於門右曰仲子舍
其孫而立其子何也伯子曰仲子亦猶行古之道也昔者
文王舍伯也考而立武王微子舍其孫庸而立衍也夫仲
子亦猶行古之道也子游問諸孔子孔子曰否立孫公儀仲

子字魯公族免弔所親厚之服舍孫立子蓋仲子遺命也
 子服氏伯子字名何謚景惠伯之孫昭伯之子伯邑考文
 王長子傳言見殺於紂衍微仲名史記微子弟馬縑闢此
 微子次子非也伯子不顯言其失亦成事不說之意孔子
 言立孫而仲子之失著萬世之論定矣○禮朋友皆在他
 邦死而無主則為之袒免以主其喪歸則已鄭謂弓以仲
 子不立孫故為死而無主之服以譏之愚謂本文言免不
 言和是以親厚為之免非以無主為之袒也且弓來弔初
 未知其立孫仰見而驚問猶未遽得定論安有先為袒免
 以譏之理又按周封同姓不聞有伯邑考之後是考無
 後可知微仲之賢與微子並稱或是民所愛戴或是王命
 立之總是一時權宜非常法也孔子般人而曰立孫安見
 般人必立弟子後儒據此謂商
 質立弟周文立孫似非確論

右第三十八章

司寇惠子之喪子游為之麻衰牡麻經文子辭曰子辱與

彌牟之弟游又辱爲之服敢辭子游曰禮也文子退反哭

子游趨而就諸臣之位文子又辭曰子辱與彌牟之弟游

又辱爲之服又辱臨其喪敢辭子游曰固以講文子退扶

適子南而而立曰子辱與彌牟之弟游又辱爲之服又辱

臨其喪虎也敢不復位子游趨而就客位惠子靈公孫昭子邾之子名亂

帝爲司寇其子虎別爲司寇氏文子名木曰彌牟者胡族

謂文子哭聲類吃聽者耳治成諷也麻衰疑衰弔者之通

服而又以牡麻爲首之環絰及腰絰則朋友之服大夫賓

位在門東近北臣位在東近門禘拜賓及謝必以喪主雖

父兄不得而代之時虎不在位而文子以素習於子游故

就爲之辭子游以上不在則已亦不成其爲賓故趨就臣

位所謂比於執事也敢視賓客也文子疑其過謙故再謝

而子游言因請然後文子知已之失扶適子就主位而子

禮弓下

卷之三

七

游亦越客位以成賓也。○按鄭謂惠子廢適立庶故子游過為重服以譏之。孔因謂此經是雙股之絞經。愚謂本文言經不言絞。安知必非單股之環經耶。且虎言復位則前固嘗在此位矣。特子游入弔時不在耳。又子游果重服譏之。則虎既復在位。子游何但就客位而仍此不情之服乎。

右第三十九章

將軍文子之喪。既除喪而后。越人來弔。主人深衣練冠待

於廟。垂涕洟。子游觀之。曰。將軍文氏之子。其庶幾乎亡於

禮者之禮也。其動也中。

文子即彌牟。常將上軍。主人。文子之子。簡子取也。別為將軍。文氏深

衣。麻衣也。緣以布。曰麻衣。緣以采。曰深衣。而麻衣亦通號深衣。陳澧曰。深衣。練冠。不純吉。又不純凶。於廟主所在也。待而不迎。受弔之禮也。垂涕洟。哭之時已過而哀未忘也。除喪受弔。古無此禮。而簡子舉動皆合其宜。故子游善其

處禮
之變

右第四十章

叔孫武叔之母死既小斂舉者出戶何出戶袒且投其冠

括髮子游曰知禮家語作舉尸者出戶武叔從之出戶陳

婦之孫成子不赦之子舉者奉尸之人禮卒斂主人馮尸

括髮袒於房上舉男女奉尸使於堂其袒括髮為奉尸禮

也今舉者奉尸出戶而武叔乃出戶不親奉尸一失也既

袒猶未括髮二失也不於房而於堂三失也武叔好論人

短長而自詡為知禮而違錯如此故子游反言以嗤之

右第四十一章

季康子之母死陳縗衣敬姜曰婦人不飾不敢見舅姑將

有四方之賓來襲衣何為陳於斯命徹之敬姜康子從祖叔母陳衣將飲

時也凡陳先祭服次散衣男子袍爾亦得陳之婦人以飾

為敬故襲衣不可陳也○按於殯宮有平日玩好畢陳者

愚謂陳重器亦能傳禮也

陳玩器近於襲非禮也

右第四十二章

季康子之母死公輸若方小斂般請以機封將從之公肩

假曰不可夫魯有初公室視豐碑三家視桓楹般爾以人

之母嘗巧則豈不得以其母以嘗巧者乎則病者乎噫弗

果從公輸氏若名世為匠師當掌下棺之事而年幼小故其族名般者請代之不用碑絳而用機發以見巧也

公肩氏假名亦魯公族言魯有等與公出白文王故碑視

豐廟之碑三家出自祖公故碑視桓廟之柱所謂初也今

爾欲以人之母試其巧則豈不可以已之母試其巧爾心亦有不妥者乎於是季氏知其不可而不從也舊說豐碑朝廷之碑桓楹郭未之甚鄭謂宮廟碑以石之碑以木朱子謂出定碑今存者高五六尺廣二尺厚尺餘中有窠以受索引棺愚謂當是天子諸侯用石故名碑大夫士用木故名楹也又鄭讀得以為得已其母為其母或曰快足為得動飲為病相對為句未知是否○王安石曰公室親豐碑則解天子三家親桓楹則借諸侯下僭上陵習久成俗不復自知其為非矣

右第四十三章

成子高寢疾慶遺人請曰子之病革矣如至乎大病則如之何子高曰吾聞之也生有益於人死不害於人吾縱生無益於人吾可以死害於人乎哉我死則擇不食之地而

葬我焉。成諡子高字齊大夫國氏懿伯之孫貞孟之子慶氏遺名慶封之族為子高家臣不食磈磈而五穀不生也其辭若有憾於生不得行其志者豈以陳氏擅齊故歟

右第四十四章

國子高曰葬也者藏也藏也者欲人之弗得見也是故衣

足以飾身棺周於衣槨周於棺土周於槨反壤樹之哉。土高

曰懷言於死者欲藏之深遠周密今反封樹以表之何哉此亦古者墓而不墳之意孔曰國子意在於儉然非周禮也

右第四十五章

國昭子之母死問於子張曰葬及墓男子婦人安位子張

曰司徒敬子之喪夫子相男子西鄉婦人東鄉曰噶毋曰

我喪也斯沾爾句專之賓為賓焉主為主焉婦人從男子

皆西鄉沾鄰讀作覘今如字鄉向同○國氏昭謚亦齊大

夫夫當時以子張相故問之司徒敬子衛大夫孔子

常相其喪禮以喪禮宜質故多以殷禮行之男賓在衆主

人之南東鄉陽故尊左女賓在衆主婦之南西鄉陰故尊

右男女分陰陽辨禮之善也而昭子好文故嘆息言我之

喪也而沾沾於此乎爾毋復言此也當使主皆居於主位

賓皆居於賓位於是主人之男子西鄉主婦從之次男子

之北而皆西鄉也如是則男賓女賓皆位西方而東鄉爾

亦男子南婦人北也鄭云沾當作覘視也我之喪禮來

者多必有異於人未知是否○按孔子相司徒敬子之喪

用殷禮于游疑其變俗則此昭子所云或周禮與

右第四十六章

禮記卷之四十六

陳子車死於衛其妻與其家大夫謀以殉葬定而后陳子
 亢至以告曰夫子疾莫養於下請以殉葬子亢曰以殉葬
 非禮也雖然則彼疾當養者孰若妻與宰得已則吾欲已
 不得已則吾欲以二子者之為之也於是弗果用子車齊大夫子
 禽兄也家大夫即家宰疾時在衛家人在齊不得致養故
 欲使人相隨地下以盡養之情二子妻與宰也亢知其難
 已定禮不足以奪之惟與言當
 養莫若二人則彼懼而自止矣

右第四十七章

陳乾昔寢疾屬其兄弟而命其子尊已曰如我死則必大
 為我棺使吾二婢子夾我陳乾昔死其子曰以殉葬非禮

也况又同棺乎弗果殺

屬音燭○屬會集也善身已之不從亂命

右第四十八章

子柳之母死子碩請具子柳曰何以哉子碩曰請粥庶弟

之母子柳曰如之何其粥人之母以葬其母也不可既葬

子碩欲以賻布之餘具祭器子柳曰不可吾聞之也君子

不家於喪請班諸兄弟之貧者

子柳詳下章稱家有無不家於喪者幾不喪庶弟之

母班兄弟之貧者仁陳澍曰古人安貧守禮如此

右第四十九章

叔仲皮學子柳叔仲皮死其妻魯人也衣衰而繆經叔仲

衍以告請總衰而環經曰昔者吾喪姑姊妹亦如斯末吾

禁也退使其妻總衰而環經

叔仲叔孫氏之別也叔牙生公孫茲及武仲休休別為叔

仲氏生惠伯彭生彭生皮柳衍三人學教通教也衰齊

衰繆經兩股絞之五服所用總衰升教比正齊衰細比小

功諸侯之大夫為天子之服而弟妻於兄公當事亦用之

者蓋兄弟之妻本當服大功以避嫌故不服當事則弔服

加麻兄公尊故總衰升視大功而隆之細視大功而殺之

若夫之弟則但疑衰而加經也環經一股不絞者姑姊妹

在室服齊衰不杖期與伯叔父兄弟同嫁大功既嫁而反

及適人無主仍期柳之姑姊妹非反非無主而為服期亦

厚之過也柳妻魯鈍見叔仲皮常教子柳遂比諸舅而為

齊衰繆經衍告子柳言當禁之柳言向者吾於姑姊妹亦

當功服而齊衰時無禁我者故失之過今當從女故退使

妻從衍言蓋悔向日之過禮而喜今茲之見正也鄭謂柳

皮之子皮常教柳以禮及皮死柳妻魯鈍猶知為舅齊衰

而衍見時人以輕細為美以告子柳而柳反使妻從之其

不知禮猶如此
也未知何據

右第五十章

縣子瑱曰吾聞之古者不降上下各以其親滕伯文為孟

虎齊衰其叔父也為孟皮齊衰其叔父也縣懸通○縣子魯人名瑱滕伯

殷諸侯文其名也孟虎為文叔父文又為孟皮叔父周禮

喪服自期以下諸侯絕大夫降殷不絕不降各以本服服

之○朱子曰夏商而上只是親親長長之意周公又搜剔

出許多貴貴禮制更不可易思按位尊者德隆德隆者仁

厚大夫降諸侯絕不幾疑位愈尊仁愈薄豈不知禮以情

為木文為末世子記言公族罪誅素服不舉為之變如其

倫之喪况其無罪然則伯叔父之二日不食也居至室也

親如象也皆所謂如其倫以親親也唯不服齊衰以貴貴
且天子為公卿錫衰諸侯總衰同姓之士
疑衰而世子記明言素服則固非全不服也

右第五十一章

縣子曰三年之喪如斬期之喪如刻服斬衰其痛如斬用削杖其痛如削斯為

情稱其服

右第五十二章雜記文

縣子曰綌衰總裳非古也既虞經可易葛衰不可易葛乃有以粗葛為衰以總麻為裳是

求極細而非禮矣

右第五十三章

司士賁告於子游曰請襲於牀子游曰諾縣子聞之曰汰

哉叔氏專以禮許人司士官名賁其名也汰矜大也叔氏稱子游禮五十以伯仲人始死襲也

襲必於牀時有因襲於地者褻矣實所請合禮故子游許之而縣子乃譏游為汰者問禮當對以禮不可專輒若自我出也景伯教人以恭而閔馬父譏其太滿亦此意

右第五十四章

后木曰喪吾聞諸縣子曰夫喪不可不深長思也買棺外

內易我死則亦然

后一作厚厚通世本作厚○魯孝公子惠伯鬻字子厚其孫以王父字別為厚

氏易治也精好之意縣子以教人子今后木自屬之非矣君子慮生不慮死謀道不謀安

右第五十五章

杜橋之母之喪宮中無相人以爲沽也

沽祖略之意孝子悲達必資相導無

相則祖

略多矣

竟引下

石第五十六章

鑿巾以飯公羊賈為之也

大夫以上含必使賓恐尸為賓所增故以巾覆面而穿當口處

以受含士卑子自含之故士喪禮布巾環幅而不鑿也今賈自含而鑿其巾是有嫌其親之心矣

右第五十七章

雜記文

邾婁復之以矢蓋自戰於升陘始也魯婦人之鑿而弔也

自敗於臺駘始也

臺鄭曰當作壺○升陘魯地僖公二十二年及邾戰於升陘邾雖勝魯而死亡

亦多故復以矢臺駘邾地左傳作狐駘蓋狐聲譌為壺而

壺又形譌為臺也襄公四年藏孫紇救邾伐邾為邾所敗

家皆有喪故鑿而弔此一時喪敗之事者以為常非矣○

顧炎武曰復之以矢猶有殺敵之心焉致其志也是亦無

于禮者

之禮也

右第五十八章

顏丁善居喪始死皇皇焉如有求而弗得既殯望望焉如

有從而弗及既葬慨然如其反而息

顏丁魯人既葬矣猶如親他往

其必反而息以待之猶不死其親也

右第五十九章

孔子曰少連大連善居喪三日不怠三月不解期悲哀三

年夏東夷之子也

人於親之死也始則哀哀漸殺則敬漸生又久則敬勝而哀忘矣不怠不解在

哀能敬悲哀與憂在敬能哀故夫子稱之子者男子之美

稱陳麟曰美其能行禮且能變俗也○先少連少連賢也

繼大連以少連及之也苟可並稱則君子樂進之爾君子

稱人子必及其親所以教天下之為子者也稱人弟必及

禮記

檀弓下

卷七之三

畫

其兄所以教天下之為弟者也

右第六十章

雜記文

恤由之喪哀公使孺悲之孔子學士喪禮士喪禮於是乎

書士喪禮今儀禮士喪既夕士虞三篇是也時人不行三年喪故喪禮久廢孔子教孺悲悲復書而存之鄭

時人習於僭禮故廢士喪愚謂僭非士所能為也自秦火而天子諸侯之禮盡亡猶賴此書之存得推士禮以達於

天子凡孝子之得以禮事死猶悲力也顧以取琴而歌故不得於從祀則鳴鼓而攻者又何以列於十哲哉

右第六十一章

雜記文。以上皆記大夫士喪禮之變

邾婁定公之時有弑其父者有司以告公瞿然失席曰是

寡人之罪也曰寡人嘗學斷斯獄矣臣弑君凡有官者殺

無赦子弑父凡在宮者殺無赦殺其人壞其室洿其宮而

猪焉蓋君踰月而后舉也

弑逆之賊人人得而討之故凡在宮在宮之人皆得起而殺之

而不赦也若與此賊同在官在宮而不討則與聞乎故而

亦當併誅而不赦矣壞其宮室并掘其地聚水猪之惡之

極也君一月不舉爵以不能教自取也

○陳澍曰惟父為弑逆子不得討之

右第六十二章

以下不言喪禮亦以類次之

晉獻文子成室晉大夫發焉張老曰美哉輪焉美哉奐焉

歌於斯哭於斯聚國族於斯文子曰武也得歌於斯哭於

斯聚國族於斯是全要領以從先大夫於九京也北面再

拜稽首君子謂之善頌善禱

要腰同京古原字。文子姓氏名武道子盾之孫莊子朔

之子文子成室人皆賀之獻賈也陳謂獻文疑是二子也
貞惠文子之例登則身往造之張姓老名字孟亦晉大夫
輪言其固與言其華歌頌其生哭頌其死聚國族頌其世
世相傳也罪極斬要次斬領皆大辟也九京晉大夫葬地
在今絳州或曰平廣曰原高平曰京葬深曰泉陽極于九
曰九原九京九泉一也全要領則得哭於斯矣蓋考終命
五福之一免刑僂賢者為難文子尤舉其重者
以自禱也則張老問善頌而文子尤善禱矣

右第六十三章

趙文子與叔譽觀乎九原文子曰死者如可作也吾誰與
歸叔譽曰其陽處父乎文子曰行并植於晉國不沒其身
其知不足稱也其勇犯乎文子曰見利不顧其君其仁不
足稱也我則隨武子乎利其君不忘其身謀其身不遺其

友晉人謂文子知人

叔譽韓詩作叔向蓋名於故字譽星
諺為齊向形謬為譽也植一作特上

知音智。叔譽晉大夫羊舌肸之子名脫歸猶與也文子

設言葬此諸大夫如可復生我將誰與以其論其優劣也

陽處父晉襄公傅并蒞植立也兼并眾事而特立乃取怨

之道故為狐射姑所殺狐偃從文公出亡至反國時正危

疑之際而投壁請亡是挾君以不得不留之之勢也隨地

名士會食邑於隨范歿而謚武故稱隨武子亦曰范武子

也利其君仁也不忘其身則又知謀其

身知也不遺其友則又仁故文子與之文子其中還然如

不勝衣其言呐呐然如不出諸其口所舉於晉國管庫之

士七十有餘家生不交利死不屬其子焉

選古作追一作
安勝平聲口中

身也管庫職卑而家利權操士為之無有私也韓愈言或

取於管庫是以為能屬賢也亦通林雲銘曰如不勝衣

之至如不出口謹之至則不并植而忘其身以人事君無

有私已則不見利而忘其君遺其友又記其所行以相

右第六十四章

公叔文子升於瑕丘，遽伯玉從。文子曰：「樂哉斯丘也！死則

我欲葬焉。」遽伯玉曰：「吾子樂之，則我請前。」瑕丘，衛地，樂其地而欲葬是貪

心也。伯玉請先歸，若不欲干其私者，然其諷之者微矣。

右第六十五章

工尹商陽與陳棄疾追吳師，及之陳棄疾。謂工尹商陽曰：

「王事也，子手弓而可。」手弓，曰：「子射諸射之斃一人，報弓。又

及，謂之。又斃二人，每斃一人，揜其目，止其御，曰：「朝不坐，燕

不與殺三人，亦足以反命矣。」孔子曰：「殺人之中，又有禮焉。」

家語下有子路拂然進曰人臣之節當君大事惟力所及死而後已夫子何善此乎子曰然此女言也吾取其有不為殺人之心而已○工尹官名商姓陽名棄疾楚平王名也王肅曰常帥師伐陳滅之楚人善之因號為陳棄疾追吳師事在魯昭公十二年手執也轅箱也禮路門外正朝大夫士皆立路寢燕朝則大夫升堂坐士立燕禮獻如大夫後西階上旅上不升堂故曰不與商陽實有不忍之心而其辭自托卑賤不敢以功上人故曰禮也陳澁曰追敗易於縱殺故善其有節

右第六十六章

吳侵陳斬祀殺厲師還出竟陳太宰嚭使於師夫差謂行人儀曰是夫也多言盍嘗問焉師必有名人之稱斯師也者則謂之何太宰嚭曰古之侵伐者不斬祀不殺厲不獲

二毛今斯師也殺厲與其不謂之殺厲之師與曰反爾地

歸爾子則謂之何曰君王討敝邑之罪又矜而赦之師與

有無名乎

都陽洪氏謂駘吳太宰陳使者官行人名備以行人儀太宰節互易愚按禮弓篇所記多得之

傳聞故謬悞甚多此其最甚者也必如洪氏互易乃得之

○嘗猶試也二毛斑白之人子指所獲臣民也左傳吳圍廬人楚召陳懷公不至魯哀公元年夫差修先君之怨僕

陳其兵非義可知而斬祠廟之木殺寇病之人其暴又甚矣陳使不盡言其失但以殺厲婉諷之許其反地歸子則

以討罪矜赦姑順之終未有一言屈服者可謂妙於辭令矣

右第六十七章

魯人有周豐也者哀公執鞶請見之而曰不可公曰我其

已夫使人問焉曰有虞氏未施信於民而民信之夏后氏
 未施敬於民而民敬之何施而得斯於民也對曰墟墓之
 間未施哀於民而民哀社稷宗廟之中未施敬於民而民
 敬殷人作誓而民始畔周人作會而民始疑苟無禮義忠
 信誠慤之心以涖之雖固結之民其不解乎周姓豐名魯賢人也
 也不可得見故使人問之哀公欲民敬信於已而不得故
 疑虞夏之致此必有異道不知敬信原非可施亦原無可
 致誠積於此自誠應於彼墟墓之間我自盡其哀宗廟社
 稷之中我自盡其敬而人之哀敬亦自生此所謂忠信誠
 慤之心也不然誓會之作豈不求固結於人然我不敬信
 而望人敬信難矣徐與喬曰禹會塗山啓有甘誓而曰
 汝則作者專務於此也然亦殷周之季矣

右第六十八章

孔子過泰山側有婦人哭於墓者而哀夫子式而聽之使
子路問之曰子之哭也豈似重有憂者而曰然昔者吾舅
死於虎吾夫又死焉今吾子又死焉夫子曰何為不去也
曰無苛政夫子曰小子識之苛政猛於虎也何其哀哉式
之夫之父母曰
舅猛虎有發免之人苛政無
求生之路其志甚苛政也

右第六十九章

子夏問於孔子曰居父母之讐如之何夫子曰屢考枕干
不仕弗與共天下也遇諸市朝不反兵而鬪曰請問居見

弟之讐如之何。曰：仕弗與共國，銜君命而使，雖遇之不讐。曰：請問居從父昆弟之讐如之何。曰：不爲魁，主人能則執兵而陪其後。寢苦大讐，未報終身喪也。枕干志在必報，夜弗與共天下，誓不俱生也。凡行公事之地，皆謂之朝父母之讐，不共戴天，故其義如此。若昆弟則稱權從父昆弟，則更輕矣。故有報有不報也。魁首也。○愚謂欲辨報之輕重，須審讐之是非。謂之讐者，親無致死之道，彼有故殺之心也。若親有罪，不讐彼過，悞不堪。彼有君命，不讐。豈曰不痛於心，然義有不得而讐者，也不然。妄行以干國，豈是以親之枝再戮也。詎曰孝乎。餘並詳曲禮。

右第七十章

子路去魯，謂顏淵曰：何以贈我。曰：吾聞之也。去國則喪於

墓而后行反其國不哭展墓而入謂子路曰何以處我子

路曰吾聞之也過墓則式過祀則下喪墓哀墓之無主也

墓而人急省視之善得復奉之也過他人之墓亦式過則

祀之位必下以廣敬也念墳墓者去國之積敬祀墓者居

邦之道各以其所處言之

右第七十一章

有子問於曾子曰聞喪於夫子乎曰聞之矣喪欲速貧死

欲速朽有子曰是非君子之言也曾子曰參也聞諸夫子

也有子又曰是非君子之言也曾子曰參也與子游聞之

有子曰然然則夫子有爲言之也曾子以斯言告於子游

子游曰甚哉有子之言似夫子也昔者夫子居於宋見桓
司馬自爲石椁三年而不成夫子曰若是其靡也死不如
速朽之愈也死之欲速朽爲桓司馬言之也南宮敬叔反
必載寶而朝夫子曰若是其貨也喪不如速貧之愈也喪
之欲速貧爲敬叔言之也曾子以子游之言告於有子有
子曰然吾固曰非夫子之言也曾子曰子何以知之有子
曰夫子制於中都四寸之棺五寸之椁以斯知不欲速朽
也昔者夫子失魯司寇將之荆蓋先之以子夏又申之以
冉有以斯知不欲速貧也

喪去聲朝音潮。喪失位也。問其進退緩急之宜曾子言聞之。

未親問也。桓司馬宋大夫向氏名雉，向戌孫。東鄰叔子超，子以出於桓公，故又稱桓氏。南宮氏敬謚叔氏，即南宮孟僖子。長子不出於適，故別為南宮氏。速，朽猶愈於靡，速貧猶愈於貧。此一時矯枉之言，非中正之道。有子所以知者，信之於言，不若徵之於事也。定公九年，孔子由中都宰為司寇，十四年以受女樂行，哀公六年乃適楚。先之申之，不為自售，亦不為賂投也。○方孝孺曰：仕非欲富為行道也，棺槨非為不朽為廣葬也。林雲銘曰：有若知足以知聖人，故見之最確。曾子只是篤信，然此篤信便不可及。故曰參竟以魯得之，或問南容君子當無載寶而朝事，愚謂事之有無雖不可必，然家語載容以富得罪，定公出奔，衛衛侯請復之，反載寶以朝。子曰：不如速貧。容聞之，驟見孔子，謝過循禮，施散於此，正可見古人改過之勇，徙義之力。今人於已過必諱，并欲為古人諱過，此正是大受病處。

右第七十二章

哀公問子羔曰：子之食奚當？對曰：文公之下執事也。侯國執事

之人三卿爲上五大夫次之各官之正爲下魯自宣公
去公室於臣祿皆不知其數故問子羔所食何比對以比
於文公時之下執事語恭而禮正如此陳謂問其先世食
祿始於何時對以文公時爲下執事則歷宣成襄昭定哀
凡七世
矣存考

右第七十三章 雜記文

孔子曰管仲遇盜取二人焉上以爲公臣曰其所與遊辟
也可人也管仲死桓公使爲之服宦於大夫者之爲之服
也自管仲始也有君命焉爾也 所與遊者乃邪辟之人故
誘之爲盜其才情意氣實
有可取故使爲臣而復上之公也禮達大夫之諸侯不
以服桓公特命反服以報其恩且嘉仲之善用才也

右第七十四章 雜記文

曾子曰：晏子可謂知禮也已。恭敬之有焉。有若曰：晏子一狐裘三十年，遺車一乘，及墓而反。國君七個遺車，七乘大夫五個遺車，五乘。晏子焉知禮？曾子曰：國無道，君子恥盈禮焉。國奢則示之以儉，國儉則示之以禮。恭儉禮之實服物度數禮之文

晏子裘敝不易，則儉於已。遺車不備五乘，葬畢不畱封樹，則儉於親。然其儉也，意在教齊國儉侈之非。是乃所以為知禮也。舊說及墓而反，不拜賓送賓，恐非儉意。按左傳：晏桓子卒，晏嬰相，哀斬直經，帶杖管屨，食粥，居倚廬，寢苦枕草。其老曰：非大夫之禮也。嬰曰：惟卿為大夫。蓋諸侯之卿，當天子之大夫，大夫當天子之上士，是當時之大夫皆儉。獨晏子守正禮耳。五個五乘，乃天子大夫之禮。豈當時習用而有若亦因而不覺歟？但諸侯之大夫降天子大夫一等，則三個三乘宜也。而晏子一乘，則太賤矣。殆有意於示儉也。餘詳雜記。

右第七十五章

孔子曰管仲饒簋而朱紘旅樹而反玷山節而藻梲賢大夫也而難為上也晏平仲祀其先人豚肩不掩豆賢大夫也而難為下也君子上不僭上下不偪下

饒簋簋有刻鏤者紘冠系也天子朱諸侯青大夫士緇旅道也樹屏當道亦天子之外屏也反玷詳後明堂位大夫祭用少牢士特牲牲在俎不在豆合豚之肩不足以掩豆極言其豚之小也僭上則為之上者難逼下則為之下者難皆君子所不為也

右第七十六章 雜記

齊大饑黔敖為食於路以待餓者而食之有餓者蒙袂輯屣負貿然來黔敖左奉食右執飲曰嗟來食揚其目而視

之曰予惟不食嗟來之食以至於斯也從而謝焉終不食而死曾子聞之曰微與其嗟也可去其謝也可食蒙袂病極而目羞明以袂障之也輯履德極而足並行如履輯之也買買無知之貌嗟問其病來呼之使來也揚目直視之狀謝謝過也微言其所見小所守拘也○謝枋得曰不食嗟來此羞惡之心世間斷不可少俄死事小失節事大婦人然丈夫亦然愚謂此心充之便可至祿之天下弗顧繫馬于駒弗視地位曾子微之是引狂狷使至於中行莫便以曾子語爲假借而甘於嗟來之可食也

右第七十七章

歲旱穆公召縣子而問然曰天久不雨吾欲暴尪而奚若曰天則不雨而暴人之疾子虐毋乃不可與然則吾欲暴

巫而奚若曰天則不雨而望之愚婦人於以求之毋乃已
疏乎徙市則奚若曰天子崩巷市七日諸侯薨巷市三日
爲之徙市不亦可乎然猶焉也冠病瘠而面向上暴之奠
天哀之男曰覲女曰巫常能接神暴
之奠神憫之左傳欲焚巫冠蓋時俗有此禮也于迂通惟
迂故疏國有大喪則罷市而日用所需有不可缺者則徙
之巷口便於貿易謂之巷市蓋虐人之疾子不仁望之愚
婦人不智皆非所以格天惟巷市比之君薨則庶幾有自
責之意故可之○愚謂格天以實不以文省身改過用賢
去奸理冤出滯施舍薄征其實也苟無其實卽巷市亦文
而已可者
僅可之辭

右第七十八章

仲尼之畜狗死使子路埋之曰吾聞之也敝帷不棄爲埋

馬也。敝蓋不棄為埋狗也。正也。貧無蓋於其封也。亦予之

席毋使其首陷焉。封窆同。○子路家語子貢。○吾聞之上

句蓋君之帷蓋不必敝也。士則惟敝者藏以待用而已。狗

守狗狗馬有功於人故以帷蓋埋之。○謝枋得曰。即此見

右第七十九章

禮記卷七之三 終

門人羅暹春校字

乾隆歲次癸巳

門下晚學耿毓孝校鐫